



08681

天真閣集卷二十五

詩二十五

昭文

孫原湘

子瀟

上章執徐

送彭詠莪孝廉

蘊章

赴禮部試



豈樂事行役况兼風雪寒獨懷饑溺志敢惜道途難  
畚鍤民勞止供輸國計殫聖朝求治策努力向長安

嬉春

山窗翠羽弄朝暎風龍輕裘律轉溫病有閒身尋水石老無遊  
伴挈兒孫一帘柳色鶯呼酒雙院棹花雀守門坐久竹陰如水  
過憑誰攬住嫩春痕

題徐侯齋山水

先生峻節白雲飛靜掩槃阿兩板扉開寫江南秋一角此中應

有首易薇

王元章畫棹

有心無心閒錯亂出奇特此是造化機凡手偷不得  
水月空明裏橫斜著數枝墨痕尋不見吾自得吾師

挽林遠峯

才名藉甚說蓮仙豪氣能傾客四筵萬事煙雲惟酒戀一生風  
月有詩傳貧偏到手黃金盡老尙多情白髮顛真箇與棹緣宿  
世滿林香雪竟長眠

正月煙甚

不是風催煥棹花已滿阿天誠憐因鬱物但逞易和漫喜昭蘇  
易終嫌發洩多幽蘭閉空谷慎莫悵蹉跎

近年屢欲採棹西磧因循不果

其奈梅花笑我何易尋盟約尙蹉跎  
中誤記還青鬢眼底驚看又綠波  
虛願難隨明月滿閒愁空比亂山  
多家人笑指叢蘭在穩守紅窗莫  
放過

張吟樵明經錫瑞招飲聞濤軒

最宜歡賞是初春恰喜招邀得比鄰  
小雨釀和風澹蕩老棋支瘦雪精神  
山來竹外參微笑鳥勸花前惜健身  
誰似君家百年樹長撐青眼閱詩人

庭前古松君曾祖手植與陳  
貝復王西澗諸老觴詠處

諷蝶

省識南華舊寢非翩翩新試葛仙衣  
春風貪覓花間浴卻趁黃蜂尾後飛  
苦逐遊絲上下狂粉痕零亂爲誰忙  
濃薰自染蓬蒿味飛過幽蘭不覺香

天眞閣集卷三五

二

友人以悼亡殤子照合卷乞題

珠字瑤琴錦字機彩雲易散玉蟾飛  
畱將霧鬢風鬟影誤被人間喚宓妃

么絃彈斷楚騷哀珠樹文鴛信不迴  
胡蝶有情偏認得卷中飛上畫裙來

玉釵敲折鏡奩空柿葉翩翩唱惱公  
悔殺桃花偏結子斷紅零粉太匆匆

珍重前圖接後圖生絳一片淚饑餉  
南華作達西河痛兩種深情畫得無

寒食泛舟三橋

垂楊招我畫橋過橋畔衣香簇綺羅  
水滸性忘秋日冷花濃情泥夕鳥多  
看山自倚孫爲杖勸酒還憑鳥當歌  
蝴蝶一雙孤墓

出似商春事莫蹉跎

清明過破山寺

春來腰腳健躋攀看飽西山又北山  
芳艸輒承胡蝶寢桃花紅借美人顏  
詩溫好景無嫌熟情過中年轉怕閒  
遊興未闌蓮漏促一襟收得佛香還

雨酌

脩竹雙行雨一襟玉壺香煥且頻斟  
桃花彈滿清明淚蝴蝶不來春又深

春陰

濃雲如寢卷窗紗掃去殘紅落轉加  
小雨不休風更緊東闌愁煞未開花

流水涓涓靜裏聞關心節物過湔裙  
虧他一縷寒威峭似勸春行緩幾分

天真閣集卷三十五

三

贈道士

道人身是孤山雀來往樵花香雪中  
我昨花前幽寢覺似聞清唳下寒空

題笠畔觀察斌良小字蘭亭序帖

山陰蘭紙入昭陵響擲爭誇趙葛能  
妙手別摹唐粉蠟風流遙證越州僧

褚肥歐瘦訟紛然別寫湍流帶石天  
移取山頭歸領上卻愁豪奪米家船

一硯楊花轉漕風吳興待闌寄情同  
分明虎臥龍跳勢收入蠅頭細字中

藏如處子拙如樵退筆風神逸可追  
應笑貂皮王子廓昔求殘

本證金龜

波磔親鉤碧玉刊螳螂蟹爪取神難千金不換梨花雪度與人閒換骨丹

玉枕摩挲付辨才蘭亭生面拓園開香泉太守天瓶老齋捧珠槃笑入來

晴窗風日細臨摹少箇河中馬軾圖韻事好循松雪例仙壇石上配麻姑

仰字懸鍼列字丁飛騰虹彩掩羣星吾家莘老如親見別構珠湖墨妙亭

牡丹開時經旬陰雨黯澹零落慰之以詩

就使花濃發殘春已可憐忍看佳麗地橫值雨風天富貴遇仍嗇離披神自全暫摧知有意養力待明年

惜別

天真閣集卷三十五

四

風急花飛雨又侵不緣離別已難禁蠶絲自裏重重障蠟淚空燒寸寸心安得雙輪生四角還貪一刻值千金前生並命栽紅豆未意情根爾許深

舟夜

風穩香巢寄一枝無端燕羽又差池人當離別情方見事到思量味始知意嬾不嫌行去緩眠多偏苦寢來遲榜歌猶是鄉音好忍著朦朧聽片時

高淳湖

謝家詩思米家船四望空明一鏡圓赤壁江山無此畫白鷗天地自成仙片雲輕與鳥相趁斜照淡如花可憐轉惜東風吹送急孤城已在落帆邊

上灘口號

過一灘平又一灘船行三十六灣環飛來幾點遙峯翠行盡前灘不見山

鼻纍石子一川橫礙住船頭不可行十幅輕帆雲不動東風枉自作人情

半日纔行十里遲勝如風浪險難支不妨穩臥看山色萬事平心耐幾時

灘中石子歌

碎石激湍作雪飛石子大小圓如璣紛紅駭綠清可數翡翠珊瑚探手取映水光且澤起水黯無色盡日船窗心眼力還向水中輕一擲世閒美物貴在少如此鼻纍安得好衆中有美藏深渦俯拾卽是奈眼何

端午日醉坐月午樓有懷方生墨林饒生漢章用墨林

天眞閣集卷三十五

五

戊寅春芍藥花下韻

我登洋山懷兩生輝映左右瑤與瓊花前置酒作高會撥拾殘朵餐其英兩番文戰兩不勝雲雁分飛呼不應已過芳菲婪尾時更無跌宕遨頭興造物顛倒慣弄人但有長醉無長春遊絲落絮皆離恨艾葉菖蒲總愴神屋縱金裝人玉琢不如自對同心樂安得吹山與地平由來會合皆天作我思縮地長房仙盡取同心置眼前萬劫不逢花羨謝百年常滿月因緣九疑之山森咫尺對面有時變顏色何如相別轉相思常令日竟懷月冕酒酣忽忽如鶯猜花間二子珊珊來滿身花雨相徘徊浮花酌我鸚鵡盃夢合瘦離皆偶爾放眼千秋有如此願得置身塵俗裏市僧屠沽盡知已

戲贈變元

之子神清絕，雙瞳水翦秋。十齡能灑脫，千里快從遊。奇石探懷出，飛雲拂屐收。頽然長九尺，未解此風流。

有懷義人

夕陽倚徧舊樓臺，望眼南雲撥不開。每到花前倍惆悵，曾題詩處重徘徊。早知此地相思甚，翻悔頻年結伴來。料得也應憐遠客，寢遊一枕小蓬萊。

月午樓夜坐同燮元

樓閣俯山巔，山如對榻眠。靜思呼石語，虛欲駕風仙。蹤蹟溫前寢，情懷減去年。佳兒知我意，開數月團圓。

晚眺

閒趁斜陽倚遠筇，紅闌十二翠千重。蟬聲祇觸流年感，鴝爪難

天真閣集卷二十五

六

尋隔歲蹤，樂事強求終易倦。好山習見亦平庸，相看未盡徘徊意。只有亭亭水北松。

長日

游絲十丈裊簾波，花影難移一寸過。危坐自嗤邨祭酒，枯禪誰問病維摩。歸期屈指原知近，客裏消魂已覺多。隱隱清灘東下急，風光人事兩蹉跎。

病中呂生

延輝

饋楊樛食之而爽報以一詩

百顆驪珠貯滿筐，楚天何意見吳郎。頓蠲宿疾憑家果，絕類輕身返故鄉。雀頂摘來應妙手，龍宮抄去卽神方。隨風咳唾金婆核，畱種洋山與徧嘗。

題家書後

紅箋易盡情無盡，箋盡還多未盡辭。花下涼暄須自覺，燈前閒

暇莫相思未妨對奕呼新婦休爲穢羹惱侍兒但看海棠開到  
近是臨行約是歸期

譚葑芳明經

正治

小尔疋疏證書後

小尔疋出孔叢子盤盂雜揉真博士或云甲係黃帝史或云尼

山古文是班志載之逸名氏誰其解之晉李軌考亭謂出東漢

擬近來錢江竹戴原亦頗詆譚君嗜古躍然起奮筆上補都亭李

憲箋揖書差可比迴勝農師拾糠粃浪遊京洛不得已歸來杜

門伸故紙譚君譚君殊自喜疏十三篇壽于紀洋山嶼嶼水瀾

瀾焉用紅塵覓青紫洪存作化人孫淵亦死白日堂堂去如此

道經西嶺望黃山作歌

雲中突出芙蓉巘四面羣山不挂眼芙蓉攬手若可採欲往從  
之隔雲海一峯天矯欲透雲雲偏學山不可分一峯逃離被雲

天眞閣集卷三十五

七

抹山亦化雲雲更活忽而呈身忽隱身山自爲主雲爲賓託山

上升壓山俯看山翻被雲作主我時身心俱欲飛神與山合目

不離天風蕭蕭吹我衣已若騰身四千仞高與蓮華齊眼前變

幻已如此不知天外諸峯一峯一態更何似容成子浮邱公借

我七尺綠玉筇與爾游戲雲之中虎蹟不到鳥不通一一搜剔

窮其蹤世眼但誇始信峯焉知此峯以外不有金庭玉柱奇無

窮說與世人不信亦不能相從否則不如遙望好足所未及目

可飽目所未盡心可造和或親身入雲島轉病胸中有成稟或

嫌隔雲太縹緲須把浮雲一齊掃不知好處在饜餬萬事從來

忌了了身到不如眼到先身游不及神遊全黃山亦似解此意

遙遙對我春嬌然歸來作歌寄山靈與山訂交目已成如何枕

上心怳怳終覺未了平生情寢中又向三十六峯絕蹟而飛行

太平途次遇胡書農學使同年

詞臣文采挾天章，持節風流照四方。  
水鑑共推歐永叔，纓琴爭盼蔡中郎。  
龍門立馬千峯見，牛渚燃犀百怪藏。  
旅次相逢一尊酒，西清回首事茫茫。

碧琅玕山館歌

背雲嶺面月山幽，竹虹落相迴環。  
稷山突兀撐其間，就山作屋奪天巧。  
真山翻疑假山造，一屋一石致不同。  
一石一狀奇無窮，後有巨石尤靈瓏。  
管領羣石爲之雄，古苔繡其身。  
玉花漱其穴，石氣撲人涼沁骨。  
白日經過澹如月，世人平地營山林。  
一石動費千黃金，那知人巧屬天設。  
以巧學天計，已拙我來如入壺。  
公壺三日少對爲之圖，逕想奪取青珊瑚。  
奪既不可奪，畫又不能畫。  
臨行但學米顛拜石既，奇古詩亦怪此石。  
此詩同不壞。

曉至江邨

天真閣集卷三十五

八

撥開白雲堆石細，露光炯蒼翠。  
涵空潭殘月，墮人影襟裏。  
拂樹顛反觸鳥寢，醒朝曦逗微紅。  
勢欲出孤嶺，迴看目猶眩。  
遙眎趣已頌，鼻觀間清香涼風在前等。

江邨觀荷華

朝煙掃水綠可憐，花光一透紅。  
徹天荷珠滴，醒鷗寢隔花驚。  
起如飛仙白鷗飛入花，無迹一半花。  
紅半還白一池，分作兩池看。  
自苦雙眸分不得，憐紅既恐白相妬。  
顧白卻思紅可惜，花外亭亭恰有樓。  
離花反登樓，上頭全花一覽始。  
無隔又恨相離不相，卽風吹香來。  
花意真香引人去，還相親碧筩。  
瀉酒生綠鱗紅，鯉斫脰何紛紛。  
此時不飲花笑人，繞花一匝酒一巡。  
何妨繞徧三百匝，醉死便作花間神。  
吾鄉兩湖湖蓮接天花，時只在煙波船。

吹簫濯髮逞我顛夜深抱月中眠三年不見芙蓉萼但見亂  
山青岸嶠今晨對花一洗眼把殘還如故鄉樂安得一夜秋風  
來片帆直下如飛雷寄書且與荷花約我未歸時莫盡開

登江邨塔

不知身已近天都祇覺涼風透體蘇頂作三盤螺髻髻梯行九  
曲蟻穿珠青山抱屋森屏障綠樹圍邨入畫圖雲外蓮花峯一  
朵亭亭來鬥水芙蓉

觀荷華歸寄家人

風裳水佩罩鴛鴦此處煙波別有鄉可惜不借徐淑至綠盤紅  
露賦瀟湘

年年買夏就煙蘿如鏡雙湖照畫蛾每到藕花生日日一雙清  
影並鷗波

天眞閣集卷三五

九

一箇瓜蔓水澄清便擬歸帆片葉輕三十六陂秋色裏月華如  
水聽簫聲

虞山三布衣歌

蔣霞竹

賈齡 能詩畫李味霞

世則善琴畫季尚迂士

新工詞皆不求聞達有落拓自喜之致又皆耽飲一  
醉外無求焉賢於世之求富貴者矣戲爲是歌

眼前執紼不足譏矯矯乃有三布衣不求升天白玉梯不受籠  
絡黃金鞵好酒勿論醇與醜但求日日醉倒身如泥三家妻孥  
寒且饑三人面目瘠且顰蒙頭破帽風雪淒路旁揶揄逢魅魍  
一笑那識是與非吾儕自樂吾天機一坐能詩郊島齊避俗一  
卷常自攜點筆絕似曹雲栖間亦參入雪林倪一生善畫尤淋  
漓自稱吾師黃大癡往往閣筆日影移日復三弄梅花飛一生

芒角尤嶽崎不合宜事滿肚皮跌宕樂府聊自嬉周郊鷹揚虞  
鳳儀三人相遇壺共提我詞爾評畫爾題時亦握手相獻歎各  
道世俗知音希我謂三生各抱歲寒姿比之松梅兼竹兮霞竹  
如竹何漪漪但遇風雨時離披味霞如棋臥西谿枝高苦被雪  
壓低尙迂貌古尤清奇孤松偃蹇霜根欹我願三生常此扃柴  
扉葛巾蕭颯羅裳披服食蟾彩吞雌霓保爾冰雪無瑕肌毋徒  
悼歎識者稀世間但有齷齪絢綺如醯雞

題崔秀才黃山遊記

黃山三十六芙蓉高插青天紫翠重撒手未須華頂杖飛行直  
過容成峯龍蛇快寫柳州記虎豹熟窺霞客蹤七十老翁腰腳  
健阿咸調厚軒雖小不能從

登小蓬萊閣留別講院諸生

天真閣集卷三十五

十一

綠陰頂上絕纖埃凭到紅闌眼界開一夜雨聲催暑去四圍山  
色送秋來人生聚合原闕數我輩登臨總費才幾點清溪臨別  
淚石邊流出尙潑洄

贈別崔生竟

晚花籠霧月籠煙未別將離最黯然此去恐難期後會重逢或  
已種前緣雲中過雁渾無語客裏逢秋倍可憐他日有情應記  
憶攜琴訪我白鷗天

九月二十六日奉

仁宗睿皇帝遺詔成服哭臨恭挽四首

離宮一夕起秋飈竹使符傳海寓遙廿載

慈仁稠雨露萬方哀痛極雲霄金膝顛禱都倉卒

玉几音徽竟寂寥奉諱普天笳鼓歇山城落木盡蕭蕭

龍旗象輦駐天遊忽報

宮車晏

帝坐八駿自修

行狩典九疑偏遇

陟方秋東園秘器星馳驛

南殿容衣月掩疇作冊未須揚

末命平時金鑽早綢繆

珠囊金鏡閱

宸居

睿算從容旰食餘盡埽黃巾清海甸親沈白馬奠河渠年豐屢

下

綱優詔刑措還傳

天眞閣集卷之二十五

肆青書

累德南郊天意定謾憑珪黯議

丹除

當年奏賦拜

楓宸仰荷

丹豪點注新鼇禁殊榮難報稱宦書敦促自因循酬

恩萬死知何日耽逸千秋愧此身空對遙天成一慟攀髯無路

是微臣

詠史

堯母門開帝錫名倚蘭宮殿事分明黃龍捧日臨金闕紫鳳翔

雲護玉京薏苡珠應生內苑菖蒲花豈發邊城洛陽三日奇香

滿浪認齊州夾馬營

文章五色降鸞臺薄譴俄驚覆餗災暫奪樞機離要地向留鼎  
軸近中台模稜味道原充位謹畏元綜實忌材信手浪傳天上  
語漫誇燕許是鴻裁

鸚鵡

慧舌倚新晴金堂屢報聲能言正何益况是不分明

閨情

阿母親教繡花繁艸更繁繡花停繡艸舊譜未嫌翻  
窗外玉棊開隔墻防折取郎欲折何枝儂自分明與  
厭聽嬌啼鳥開籠盡放生玉堦如寂寞蟋蟀鬪秋聲  
葉葉罨蛛絲縱橫誰與掃閒中寓化機戲捉青蟲考

楊升菴配黃安人畫升菴松下煎茶圖

曹衣吳帶神仙姿狀元才子宰相兒是從玉堂退食暇抑方乞

天真閣集卷三十五

七

假看花時竹爐湯沸潮聲聽謾謾松濤樹頭應六班佳製樂天  
茶七盃清風玉川興恰有閨房管仲姬丹青妙比虎頭癡霜豪  
寫盡閒居福世外風煙那得知一朝疏入天威觸手撼奉天門  
大哭拜杖明廷肉盡飛投荒邊微身難贖胡粉蠻花雙髻了節  
韶不奏奏琵琶靈鈞老淚彈秋水賈誼餘年看日斜天上雷霆  
猶不測此生何敢懷鄉國回首瓊枝樹欲凋傷心銷字書難得  
當年世廟狗烏私兩口蛙鳴結主知議濮敢讎前代案躋儔竟  
絕孝宗支二百廿人割與成九廟灰飛天亦怒配天一疏老奸  
來四十五年昏不悟鬚眉颯爽現冰紉直節猶從畫裏看六詔  
羈覓招不得一孟涼雪薦龍團

言依山參軍

尚藏

才人鑑傳奇

不將花月譜西廂掃卻溫柔說醉鄉如此盧生真絕倒并無骨

相瘦黃梁

描摹醉語近天真付與詞場菊部新  
寫坐灌夫誠快事人閒難得眇山人

千金難釋一杯嫌園土春風十載淹  
彈徹銅琶豪氣吐酒龍詩虎盡掀髯

唾棄烏紗世局翻排場新色動梨園  
陋他李白登科記未洗胸中一狀元

題畫

青山紅樹太離迷化作寒霞映小谿  
秋色自濃人自澹詩情不過畫橋西

杖藜何事撥閒雲詩在空山久待君  
莫羨仙樓如畫好最高峯頂易斜曛

天真閣集卷之三

十三

霜天詩意滿西城樓閣參差繪晚晴  
料理一枝筇竹杖大癡圖裏聽秋聲

黃雀行

八九月間兒童以食引雀稍旋縱之  
戀食則復來如是數十次往往颺去戲爲是解

枵爾腹縱爾軀以手炫食還相呼一  
星之粟能捨無人何知鳥

何愚一狎君喚供君娛飛去復來掌  
上珠無端颺去難追遺鳥則知人則愚  
東家脫去西家竅得鳥者喜失鳥吁失卻一雛引一雛人亦愚鳥亦愚

秋盡日雨

老臥江鄉不計年悲秋又值送秋天  
身閒於世真無補性僻逢人卻有緣  
細雨漸催風轉變晚花猶趁氣暄妍  
霜楓未敢顏如

赭斜倚西山獨泣然

王石谷東籬采菊圖

何代無菊花何人不愛菊一經高士賞花獨淵明屬耕烟瀟灑人放筆寫秋綠當門插柳五綠籬編枳六人是晉時人屋是晉時屋何年寢見古貌古肖而酷義熙風在眼羲皇趣滿腹無人歸去來此卷誰可讀

仇實父畫陶淵明歸去來圖

輕舸一葉載雲還人在仙原杳靄閒應笑龍暝猶色相西園塗綠上春山

一官花影過無痕寢罷羲皇倒綠尊松頂閒雲如我嬾春風吹不出柴門

觀錢忠懿王金塗塔作歌

天真閣集卷七十五

十四

屈竹田別駕保銜得五代吳越國王錢宏做金塗塔

出以見示自四甬至底高今工部尺四寸二分塔頂

相輪七級高三寸三分以今天平等之重三十五兩

塔分四面前面佛像坐右旁二人一立一坐左旁一

人立前有二獸形似犬南宋周文璞觀姜堯章所藏金銅佛塔歌云饑鷹餓虎紛

相向明慈山大師記吾鄉額玉柱墓掘得銅塔前作尸毘王割肉餉鷹拈鶴與此殊不符此四面皆無鷹

像此面內鑄楷字云吳越國王錢宏做敬造八萬四

千寶塔乙卯歲記十九字下別有一保字編號張芑堂金

石契載桐鄉金鄂巖家所藏題識畫像與表忠譜俱同惟保字作人字

右各一人前有二虎按此疑即慈山記所云左面一

佛坐右旁二人一立一坐左旁二人立持杵按右旁一人似

持刃立或即慈山所云慈力王割耳傳燈之意右面一佛屈膝俯首一人持

刃加其首一人承其下一人倚其後後有寶樹一株  
按此卽懸山記所云月光王捐舍寶首此三面內無文字上出四角八

觚外八面面一金剛持杵內四面面一佛坐像其下  
跌每面羅漢三塔底四角用銅汁黏合故世有散成

一片者按俶迎立於戊申歲茲塔造於乙卯爲嗣立  
之八年周顯德二年也宋史俶名本二字以犯宣祖

偏諱去之今款二名則在宋以前無疑是年周盡毀  
銅佛像鑄錢忠懿乃以五百塔頒日本他皆瘞藏於

十三州一軍之內朱竹垞據曹勣淨慈羅漢  
記謂銅塔悉歸淨慈非也厥後會  
稽秦魯國第臨海赤山皆有塔出姜堯章得其一

本朝康熙初杭州慶忌塔圯有小塔百數錢氏表忠  
譜以爲卽八萬四千中物吳任臣以小塔率番字乃

天眞閣集卷三五

十五

西僧擦擦所造錢塘志辨之詳矣此塔之流傳人間

者吾鄉破山寺一蕭山祇園寺一其在嘉興白蓮寺  
者僅一版據曝書亭集係放下屠刀立地成佛相當

時詢之寺僧堅不肯承故竹垞未之見譌作武肅王  
事破山寺者康熙時已爲寺僧盜去乾隆壬子歲蕪

湖令陳聖修之子得其一於紹興壽量寺已失去相  
輪七級以遺朱石君師師以上供內府人間亦不

可得見矣嘉慶庚辰歲海鹽人開築海塘見土龕中  
列銅塔無數塔中空層層累疊外層俱殘缺最後一

層得全塔二具攜來吾鄉竹田以宋元團扇畫文待  
詔山水卷易得一具其一歸劉氏問其殘缺者已傾

鎔作他器矣惜哉按造塔之歲距今八百六十四年

神物顯晦固自有數一旦獲觀全壁不可謂非奇遇  
已爰作長歌紀其事

柴家毀佛鑄錢用錢家輸錢鑄佛供鑄成塔八萬四千毀佛鑄  
佛同一年奉周正朔受周制黑土沉沉白藁闕八百六十有四  
秋佛在地中求出世長鑱發土土氣青鏗然躍出金精靈走來  
虞山尋配匹奇物飽我雙眼睛爍提變相四面呈相輪珠光七  
級明背文斑駁十九字大書某造猶雙名是時區宇未一統虎  
落雄圖蛇豕開黃袍被體真龍來錦衣小兒搖尾哀一十三州  
土全納誰知土中有此塔暗憑諸佛救衆生自願捨身饑虎嚼  
否則王師來踐踏師卽饑鷹民怖鴿玉鞍金勒玳瑁鞭晉王秦  
王醉比肩降王富貴有若此果然佛力能回天祇惜越民膏與  
血媿了空王媿京闕民命雖逃民骨枯地下黃金何處掘此塔

天真閣集卷之三十五

十六

會出南渡時姜仙座上周仙詩破山寺及白蓮寺松圓竹陀空  
記之盤陀老人石君師自號手捧得逸卻金輪未全壁後生獲見五  
代珍應笑前賢猶耳食一室照耀舍利光三日禮拜阿育王北  
風打來雪花溼銅綠透出青蓮香餘片紛紛惜搥碎賁雀焚琴  
同一慨出世不逢碧眼胡何如堅臥泥中身不壞

棋

籬角久相置因癯羸益奇偶花驚俗眼驟起炫旁枝培植誠知  
惜分移慎失宜華簷得春煖正恐忘寒姿

送竈

伊威埽盡壁蕭然白墮光盛碧瓦鮮一歲送迎終此日萬家煙  
火照殘年趨炎肯學王孫媿脩敬應輸老婦虔不用塗糟勸君  
醉此生何事欲瞞天

重光大荒落

少時題人扇頭畫松云翠鬣蒼髯勁不凋展來尺幅勢  
干霄卽今出入君懷袖時有清風欲動搖隨手棄去久  
不記憶矣鮑秀才炯謂余近日所作萬不如此詩歎賞  
不置豈人之好惡不同與抑妍媸固不自知也賦此誌  
感

題扇橋頭遲少年過橋前事已雲煙畫成眉黛嫌蛾淺拾去劍  
痴比蝮鮮白也殘詩多附綴微之少作漫流傳鑄金覆瓿原無  
定畫壁旗亭是偶然

蔣伯生以狂謬被劾去官作詩留別齊河次韻寄慰

溝水東西竟不回蛾眉生就被人猜亡羊莫更歧途去失馬須  
知轉福來著述等身林下事功名彈指劫餘灰河陽插遍花如  
繡爭及蕭蕭五柳栽  
未擬歸營十晦寬五湖何處一鷗安身輕且脫烏紗累望重翻  
因白簡彈四海狂名傳播易萬民清淚得來難憑誰將爾休官  
况寫入循良傳裏看

錢秋樵學博席上卽事感賦

手把醇醪笑不休相看已是雪盈頭座逢明月思前度人近楸  
花卽勝流老去雄心消一醉閒中清議足千秋湖山如畫春如  
海與爾同輕萬戶侯

題畫

片帆飛破一江秋咫尺應論萬里流畫裏看來誠快絕可知風  
急不能收

早春偕山樵翁過西麓老梅下頂花初開含玉滿樹

春氣流行如燒香，巽神志和暢，不自知身之與楸俱老也。

尋詩不在遠，但須有詩處。微聞隔林香，曲折引人去。丹房閉陰森，高花頂先露。一枝領羣英，氣自蓋全樹。虬龍珠滿身，瘦鶴勢迴顧。亭亭非炫時，得氣有早暮。玉梢弄春寒，半留白雲護。網緼停化機，大造不知故。開襟受靈芬，斂息領深趣。東風吹冥冥，夕曷爲誰駐。

挽邵虛中

一卷京房易，潛心四十年。虛空翻古義，抉發到先天。獨見書誰信，專門學絕傳。知交餘我在，淒絕撫遺編。

春雪

飛雪破空來，梅花正亂開。易和機太洩，陰氣勒潛回。已苦遲春澤，還愁折凍荜。急須乘雨化，萬物待滋培。

天真閣集卷二十五

六

題吟紅閣詩稿

一樹寒楸對我開，花前把爾句徘徊。生成鸚語非關學，惆悵蛾眉有此才。情思渺從空外得，性靈清自月中來。不知柳絮因風起，飛向誰家玉鏡臺。

問海棠消息

幾日濃陰閉綠蘿，東欄紅雪近如何。愁他一夜東風煥未等開，齊落已多。

春風

飛來雙蝶，身輕戲逐游絲。上下行小雨，乍收風又緊。桃花無分過清明。

拜紅軒卽事

半樹明霞爛漫妝半含紅豆耐思量三千寵愛何人奪十五年  
華竟體香嬌語情深難按抑豔緣身受轉淒涼酒酣暫借花陰  
臥又是春風寢一場

海棠花下放歌

紅霞一片頭上生照人不飲先微醒銀瓶綠酒瀉春煥幕花席  
艸何縱橫樹高三丈花四丈下枝俯垂上枝仰花光照得青天  
紅天亦避花教雲養半開半合春意留開者如笑含如羞東風  
莫拆紅豆盡留作十日珠宮遊一花打頭勸客酒雙螳飛來入  
人手我斟一杯還勸花遣蝶飛還爲花壽酒杯放在雙了乂花  
領人意真如拏嬌紅盡作酒顏色酒態絲絲無氣力花開可惜  
月不來月圓時節花未開誰能捉月東海底挂向枝上如瑤臺  
萬事從來少圓足無月不妨補以燭月惟下映燭上騰仰照枝  
枝更如玉我時興發如雷顛酒酣逕抱花枝眠將身化作古明  
月花不墮時月不闕當花對酒能幾春有花又少如花人花不  
如人顏不老人不如花看可飽南山可平海可移惟情綿綿無  
了期對花思人人不知對人又爲花相思世閒快意那有此真  
箇花前爲情死一日不死情不止血氣無非爲情使願爲花下  
泥不願爲花上雲泥能植花護花根落花生土香猶存枝頭碧  
雲一散春無痕

雨中作

憑闌日日望花開等得花開奈雨來蝴蝶不知雙翅重雨中飛  
去又飛回

雨中續飲海棠下放歌

美人不借豔粉紅好花不借晴日烘天公有意試眞色逕欲一

洗燕脂空花意不爲天所窮朱顏漸淡態轉濃始知傾城不在  
色何況世俗妝梳工俗子關門春瘦作詩人冒雨清晨過雨驟  
春寒勒住花不替花愁替花賀舉頭忽爲花慘思如此畢竟遭  
非時旣不逢明月圓掛珊瑚枝又不獲晴光照耀富貴姿徒然  
宓如感泣洛川水豈比太真賜浴華清池若非我輩眞花擬誰  
憐浴雨膚凝脂花若嫣然向人謝難得諸君好閒暇情來戲蝶  
雨弄珠一度詩情一變化詩情酒情同放顛詩城酒壘花根邊  
禮花勝如禮佛虔羽衣卽當角巾折要使淋漓醉態花生憐醉  
中把酒仰問天生無骨相銘燕然願封燕脂花花國卽號燕除  
我燕國花神仙綠章借取東風便長乞輕陰護花倩人祝春晴  
我怕晴此意難期俗人見天心卻與詩思通欲晴不晴煙濛濛  
此時意態更不同嬌女出浴輕紗籠不能不醉不醉醉拌向紅

天真閣集卷三五

三

闌伴花睡雨霏微我心慰雨滴瀝我心碎非花累人人自累不  
知枝頭點點雨如珠散作情天多少相思淚

寄邵蘭風

傳來病耗太淒然不是飄零已可憐家有衰親猶盼望貧無歸  
計况沉緜百年愁骨埋何地一代清才欲問天明曉寄書徒亂  
意願書猶得達生前

山中見野花數種

一徑穿雲破綠來偶逢香艸恣徘徊空山不識春來去背着東  
風只管開

巖坳澗曲繡縱橫花氣濃熏石有情得意自開還自落任人看  
煞不知名

醱醱如雪小園空暫借山厨酒一中濃綠漲天陰匝地人閒猶

有未凋紅

初夏山游尋破腹寺小憩

人因春去愁我愛春去綠尋烟入深蘿疎磬候虛谷澗窮一橋  
臥林斷數峯續攬秀力振疲追幽日逃熟招堤隱巖坳取徑就  
松曲孤花表餘春微靄滌脩竹雲去神理超詩來妙香觸耀禪  
悟緣空遲僧淨冥坐領趣足涉有幾忘歸歸亦無滯欲斜陽上  
高樹暝色斂平麓天海青空濛一氣入遙矚胸含造化春萬象  
嬉幽獨

餞春

一年何日最銷魂萬綠陰中酒一尊得意但看芳艸色回頭休  
認碧波痕蜨知是癡身先退鶯縱能言事莫論如畫天涯望何  
極夕陽雖好自關門

天眞閣集卷三十五

三

手勸東風盡一觴撲簾風絮又昏黃閒愁總向今宵聚好景難  
期隔歲償願得柔輪生四角怕聞蓮箭定三商惜春非是無聊  
事多少閒人入寢鄉

淨圓以詩見投并惠新茶次韵答之

但知花事不知畊比作椽花是定評情重轉因通佛性身閒終  
累負才名茫茫文海爭千古艸艸官塲了一生拈出趙州公案  
在在山泉水煮來清

昭文 孫原湘 子瀟

城河謠

道光元年春三月昭文劉侯挑漕運河城以東舟楫  
通利而城西南諸水湮塞自金李橋至范公橋數十  
武耳通則脈絡貫矣當事者欲通琴河之第三四絃  
復古戾今民不謂便乃託爲此詞前三章美浚河之  
功而跨河水閣未撤懼其久而復淤後四章專爲西

南諷焉

隱仙橋至顯星橋河水如絃直一條從此郎來潮有信不通潮  
處也通槳

大東門接小東門跨水紅關界綠痕閣下船行天不見郎來只

道近黃昏

願河長通城外渠願郎長來如戲魚河不勤挑泥怕積人不勤  
來情怕踈

儂住山塘涇上隄郎住西涇西復西艸橋繫纜石猶在那得船  
通焦尾溪

琴水七絃存兩絃五條絃上盡民屢笑郎苦守尾生信黃柏橋  
頭等下船

范公橋西金李橋挑盡淤泥路不遙莫怪儂情似河淺郎自應  
挑不早挑

河要波流船易撐人要風流目易成好通融處不進去卻想不  
通融處行

虎邱觀牡丹

山家錦幔五雲裁處處天香染綠苔才大獨當三月令名高偏  
後百花開化工自結芳菲局空谷何期富貴來隨意敲門容飽  
看勝如池館自家栽

寫楸

偶然寫得臥雲枝世外佳人絕世姿只是未曾裁翦得不宜歡  
賞但宜詩

凌霜傲雪一枝斜只在山坳與水涯說與時人渾不解滿城車  
馬看棋花

停琴佇月圖

天風尋空來長松與之語形氣偶相遭元音一舒吐彈琴學松  
風意指凜失矩靜者心自然冥冥勢大古

舉手招青天明月入我懷皎皎一寸心清光兩徘徊我心本無  
物月影任去來眠琴與之化萬籟何有哉

划船社

相傳張士誠之戰卒爲祟荒誕不足信曰南府曰北  
府大率愚民相煽惑以土神所謂劉李周金者統之  
要之皆淫祀也始猶村民奉之於家近歲迎入城市  
至有士夫奉之者好事之家爭先迎致公然於聖  
廟前鳴鉦騶唱而過此則不可容忍矣爲告諸當事  
逐之作詩以詔來者

夫子廟前金鼓闌泮宮燈綵迎划船廣文先生肅拜前曰能禍  
福宜祀虔非冥漠無爲之聖賢划船自何來云自白駒場赤龍  
船上黃頭郎鑼首旗號猶書張厲氣血食占一方智者敬之愚  
者狂有士人有薦紳皂隸牙儈及富民相率入社來迎神一家

迎得百家歎息曰神到處百福臻晨起雙扉開剖羊屠豕祭賽  
來不來神力能爲災以帚掃神擊神再東家病痾西家瘵供神  
之家利三倍官符黑夜下兩府同驅逐留神不得向神哭願神  
立顯威與福官於此事殊憤憤誰妄言者神必祟奈何神靈也  
怕官日伺官病官平安

虎邱山塘觀水嬉

今年五月風日晴游人多借龍舟名山塘七里船十里夾岸行  
人更如蟻紅男綠女同水窗南鄰北里爭豔妝耳根喧逐目震  
炫但覺酒氣兼花香燈船入夜明星爛水上虹光燭天半如此  
繁華世所無只有吳兒偏見慣一船動費數十緡萬船之費何  
可論淫侈至此天亦助誰挽風俗歸清淳有叟掀髯笑而起眼  
見此風百年矣數年前頭制府來府帖禁止如風雷是年亢旱

天真閣集卷二十六

三

饑鴻哀云是龍不治水天爲災治民要使民得所豐嗇盈虛貴  
相補不見城東織晉守錢虜城西奇贏大腹賈平時一錢不輕  
與到此黃金散如土貧兒要使富兒錢不事嬉游安得取民俗  
雖淫民計寬一家囊罄百家歡吳中錢與吳民用勝把金錢去  
買官我聞此言三歎息欲禁還須聖人力寄聲長官莫禁止禁  
自衆人心上始

哭言管香

舊遊宿艸已紛紛哭罷洪孫又哭君

君少與穉存淵如交契俱工篆書

地下翻

成君子國眼中惟有可兒墳酒香狼藉紅螺瑤書法飄零白練  
裙蕭颯林泉人愈少一銘清影立斜曛

聞蘭風之赴

得仕復何益况徒羈此身如何求宦達竟不顧衰親飄泊終傷

命奔馳豈球貧旅覓歸未必應悔滯征輪

勿歸耕操

曾勉耘大令

濟

初宰羅山繼宰宣化卒於官哲嗣以

歸耕圖遺照索題夫歸以寄趣非君志也爲申其志如此

有田可畊胡弗畊拂衣要待功之成功成不成安可保武陵桃花笑人老曾君五十宦中州六十宦闕猶未休故鄉春及蕪田疇歸來丹旄天容秋我無田可畊但識畊田樂青山處處是桃源一脫朝衣嬾夏著人言高蹈吾豈高不才聊自棲東臬盤盤果有作吏才敢惜折臂躬自栽勤民卽以藝黍稷鋤奸讐若除艸萊願爲駕犁負輓之耕牛不願爲狎波戲浪之閒鷗不見勉耘耘民耘且籽可歸不歸勤至死古之循吏有若此

秋海棠

去真閣集卷二十六

四

一縷酸香澈骨清西風獨抱此幽情何勞世俗爭矜賞浪借春花作小名

無題

細骨宜酬百琲珠朝朝忍餓學纖軀漫從掌上誇飛燕聞道宮中進媚緒

浣紗溪上捧心人獨占吳宮第一春越女如花照谿水自憐巧笑不如顰

送秋

一點寒燈蕩影斜惜秋心似惜春華清霜有力欺衰鬢紅葉無言代落花別緒自飛仙掌淚長繩難繫絳河槎多情偏仗西風力畱得秋聲在萸簪

落葉

記得濃陰日花飛萬綠中春秋一日算溝水亦西東搖落隨天  
運文章埽地空誰能悟消息苦苦怨西風

張船山題鎮江楊子堅

鑄

詩後云短句長篇無不好舉

杯驚歎此全才請君準備今宵癡我欲南飛載酒來

子堅裝冊屬題前有伯淵兄篆書載酒前緣四字

攜錢梅溪書來

船山化去淵如死海內知交餘幾子故人遺我只素書  
特薦詩人楊萬里相逢一笑虞山邊松巔老宦窺神仙南山雲  
與北山樹秋風吹合盃非綠綠不可常留且止與爾一杯定交  
始醉來招手九天覓兩星芒墮杯底明年攜酒妙高臺江山  
一覽心顏開詩人茆屋隔江住好風日日吹君來

秋海棠

天真閣集卷二十六

五

紅珠滴滴綻瑤英回首相思渺玉京小雨偶彈秋癡醒又含清  
淚憶前生

豔絕秋痕怨未消啼妝猶認裏輕綃斷腸生怕人提起任借春

風喚阿嬌

銅鋪深鎖碧窗寒寂寞誰來倚曲闌料得花情更高絕自開原

不要人看

黯黯秋魂欲化烟衰盤落葉共淒然燕脂不是傷心色畫到輕

紅便可憐

能經畧

偶閱邵長蘅作未得平允更爲此篇

熊經畧身長七尺目兩星左射右射孰敢櫻有明賴此萬里城  
虛器徒擁權實輕屢進屢退隨人行誰掣其肘張霍鳴誰牽其

頸王化貞廣宣擁兵十四萬關中守者無一兵有者右屯五千人戰無可戰守則能平易橋圍一將叛廣宣城空萬人竄右屯一軍獨不亂退保嚴關屹天漢若論料敵指掌中經臣無辜實有功若論彼潰我軍在經臣無功亦無辜奈何屈殺奇男子比楊多一逃比袁欠一死當日爰書謬如此或言公於此時宜死守杖節捐軀死不朽或言公宜轉戰錦義間扶傷救敗收功還是皆豎儒議論左豈知戰守兩不可遼民四百萬衆擁地來山海一關蕩蕩開非五千人斷其後四百萬衆成飛灰豈惟生靈不可保我 國長驅入關早不見郭子儀與九節度同潰師斷無坐守河陽時不見慕容垂一軍三萬獨不虧亦無再戰淝水澹經畧本非逃經畧不可死不死疆場死西市萬歲千秋有青史貪狼魏闖狡兔馮借公殺人兼殺公六君子看一網取不爲

天真閣集卷二十六

六

封疆爲門戶嗚呼經畧死長城壞一關從此無中外頭顱血灑九邊腥地憤天愁敵人快

高揚相

有明殘局東事危督師隻手撐斜暉再蹶再起卒不振是有天意非人爲劍脊鐵面如虹氣出鎮雄關控遼薊四十五堡消瘦烽十一萬兵練鐵騎盡五千頃開屯田踰四百里拓疆地水營火營若指臂聯絡車營十有二但須二十四萬餉到關直取醫無間外看如寄九重龍關陰雲生閹奴哭繞御榻行不愁功敗愁功成則晉易之甲從而興事到垂成忽中止從此心灰乞歸矣豈知烽火薄都門卻念勞臣重詔起二十七騎何縱橫穿萬壘如無兵招還前鋒跋扈將恢復連陷幽州城其誠能使天有祚明意不能使羣小齟齬無相傾臨榆關開萬軍到高揚

城圍忽三笑臣願難將一死酬君恩  
控向重泉報祖孫叔姪與父子一十九人同戰死  
世間忠勇誰有此烏虜如此臣猶被三黜明乎不亡待何日

皮島帥

我朝開國東海東氣吞中原掌握中目無殘明不足攻所患躡後毛文龍其島去我八十里聯絡朝鮮勢相倚我雄一方彼角倚我師前驅彼襲尾今年擾義州城明年侵耀州營鞍山驛前風霍聲撤爾河畔烽烟驚雖云疥癬疾實爲心腹患鐵山戰勝脫兎逃鎮江失守前車鑒天幸明臣不爲明讎爲我國除榛荆山頭千杯意氣厚帳前一劍頭顱輕將軍臬狀豈不實將軍之功不可滅督師一著算何低東事三方勢全失我朝何智明何愚豨貅百萬今長驅回頭卻顧海雲紫笑指東江腹患除將軍死未踰三月督師倉皇衛京闕龍井關隘口斷遵化營士卒亂薊州西烏獸窟是誰誤殺毛文龍萬聲只怨袁崇煥

讀史

元臣開府鎮南都百萬窮黎待爾蘇祇恤黃頭勤轉漕卻援白著定征輸耗增雀鼠非煩政斂及雞魚亦本圖敢效伏伽徒慙直上書堅請損常租

東南新法奏京師清議從容費主持自是均輸無上策何如勿藥得中醫神倉轉運須籌國長府因仍暫救時已勝模稜蘇味道漫陳兩可說公私

無端出口吐蟾蜍月紙雖清計已疏稅額幾更三賦法班心重上萬言書縱嫌瘠馬鳴何晚猶喜亡羊補未虛努力玉坡風議在勝將詞賦擬相如

寄蔣伯生

雁門西接關山高八月霜花落鴈毛萬里風沙鄰鬼國一時詞  
賦變離騷漫將熱血磨長劍未擬歸心唱大刀日寫柳州書數  
紙龍堆落日首頻搔

臘月十五夜

有月便忘寢不知霜滿欄澹懷宜獨影靜氣耐孤看光斂一珠  
小芒森四角寒殘年水趨壑最惜此團圓

秋海棠曲爲張生詹卿作

張生意中有傾國欲說與人說不得卻憑眼底淚相思寫取心  
頭花絕色識花記在西泠西乍陰乍曷光合離賞花又在南屏  
南相當相對何嬌慈護花愛花不忍採花號海棠情似海自從  
小別華鬢天秋風開落空年年每逢冷雨幽窗夜唱出哀蟬落

天真閣集卷二十六

八

葉篇朝採若木枝算採燕支艸總不如花顏色好朝思花看朝  
霞算思花看月華花容尙可天上覓惟有花情海難測昨宵尋  
花秋癮中翻何珊珊來秋風秋在南高峯秋在北高峯峯能隔  
斷花下蹤不能使兩心隔絕無相從還君眼中雙淚紅何由灑  
向君墻東海棠花情似海當時愛花不忍採

七香來戲贈一首

如君浣筆向銀河畫了天孫畫素娥傳作眼中能有幾美人天  
上亦無多貧還得飽惟餐菊寒不知愁自補蘿歲暮遠來休便  
去一尊風雪且高歌

祭詩歌

浪仙祭詩自祭也自祭則孤祭古人則泛取平昔故  
舊之詩雜已詩祭之凡我所祭皆長不死之作我與

諸故人同在長不死之中又何死生之判也祭者十  
四人瑤爵三醮悉取十四杯次第飲之頽然竟醉時  
道光元年除夕也

我不知我詩可方古人作者誰又不知古人誰許我作相追隨  
茫茫天地無可問不如平生故舊堪攀攀追海內詩人盡交好海  
內知交今已少其人雖死其詩存羅列詩卷招詩覓或遊天宮  
或海嶠一一心香能感召迎神送神卽以其人詩詩聲化作鸞  
鳳空中嘯我持一尊勸故人故人飲我杯中春若使諸公猶未  
死那得一招都至此卽或有時訪我來此來又恐彼已回安得  
一堂羅致四海才令我一醉心顏開其人青年與頭白其居東  
西間南北其詩平奇濃淡不一格其中或有相知不相識皆令  
作我坐上客千古從無此筵席梨花酒榷花香歌我詩侑客觴

天真閣集卷二十六

九

我詩近來格頗變諸公生時所未見公等亦有身後詩我不得  
讀寢見之一人心血能有幾人人嘔出在詩裏如此濃雲大雪  
中萬丈光芒轟天起

元默敦牂

春睡曲

昨日雪飛今日雨妙手誰能漏天補寒衾抱寢不肯醒竹外瘦  
鳩啼過午臥聞屐齒聲丁丁酒人索酒衝泥行牀頭自有梨花  
春足取一醉無求人醉中萬事置不理一枕還尋大槐蟻嬾雲  
不起與世忘世亦無須嬾雲起

春晴曲

一綫晴光兩眸洗紅日無聲喚人起雙鬟笑倚畫屏看道我眉  
間黃色喜一月不出兩足輕巷口飛起青山迎春人往來若相

識欲言不言殊有情  
煤花怪我出門早  
絕無詩處尋詩行  
歸來倦把一書寢  
有酒還對古人飲

春寒曲

聞道春江潮欲回  
潮迴人定有書來  
橫塘一夜玻璃凍  
恰比相思解不開

春風催雪不催詩  
寒勒煤花特地遲  
畱取滿枝紅豆好  
待人一見一相思

春光疑不到天涯  
好癯因循鎖綠紗  
等得身輕似蝴蝶  
與人爭路有楊花

畫梅寄平叔

千里相思兩鬢華  
聊憑驛使寄煤花  
遙知一笑開函處  
散作春風十萬家

天眞閣集卷三十六

十

戲題柳河東李赤傳

咄咄怪事乃有此手  
抱東施當西子  
眼橫波耶眇而視  
步生蓮耶跛以履  
芬芳若蘭耶  
疥且痔溫潤玉顏耶  
齟齬而歷齒其持說也  
方且飛燕太瘦玉環太肥  
寶兒何慈孫壽何啼乃心蕩而竟與在倭傀與化惟若云家雞不如鶩不聞鳩鳥肉可臞卽云瘡痂味如鮓不聞蠅蚋丸可嚙讒人變亂賢與奸畫工改易媸與妍是皆有意爲倒顛奈何真心逐臭青蠅然主家豆悉取食石家棗恣飽嚙園中石芙蓉席厠上等蘭蕙澤不見柳州集中李太赤

題黃韻山山水冊子

韻山一峯十六世孫

掉頭歸臥釣魚臺  
載得裁眉片月回  
手寫芙蓉三萬朵  
一峯飛去一峯來

閒詠

一臥滄江穩都忘歲月更貧增  
胷脚健閒得癯寬清愛酒惟供  
客耽詩不爲名當時玉堂伴幾輩到公卿

新晴頊儒來同遊西麓

小酌梨花一石春東風扶醉兩閒身  
青山癯醒無多日白首心知有幾人  
鳥趁新晴多婉轉樵經老瘦越精神  
相看莫道斜陽晚笑指峯頭月半輪

散步北巖尋天龍菴小憩歸飲黃韻山齋中醉後賦此

偶看畫中山忽發看山興晴嵐釋寒容  
如僧初出定一筇背谿流雙雀候蘿磴  
雲豁逢招提風疎度清磬山空不知春氣轉  
脈自應寒楸未著花紅珠滿身孕談空松有聲論古石能聽忘歸歸亦佳煥翠一襟賸

天眞閣集卷二十六

十一

黃君愛我詩飲我金盤露我性不解飲頗識酒中趣  
一杯和心神兩杯起沉痾三杯竟陶然雙眼墮雲霧  
就琴欲倒眠起舞不知步春風吹門開新月挂高樹  
新月勿復落春風願長住吾將日日醉桃花玉顏駐

張生 蓉鏡

將北行依依來別送之以詩

揮手離亭酒滿尊心隨柳色去遙邨  
春江畫舫帆無際深雪柴門屐有痕  
早決雲霄千里翼難忘風雨一編論  
梅花未落人先去玉笛休吹已斷魂

內子進香天竺登舟有作邀余和

棹花催我挈家游鏡檻書牀共一舟  
二月酒香思下若十年寬纜繞杭州  
山來乙乙如青善水宿雙雙有白鷗  
同在煙波圖畫裏詩情偏落此船頭

附錄

十五年前此舊遊青山認得武陵舟  
布帆無恙東風路春水方生杜若洲  
棹蕊尙含稀過蜨蘭橈初撥有迎鷗  
曉妝怕向清谿照前度來時未白頭

重至西湖和道華作

人道西湖何黯淡我誇黯淡轉靈奇  
煙雲自古長新物山水如人絕世姿  
若現樓臺翻俗筆便逢風雨亦宜詩  
難將荒率雲林畫說與春風士女知

附錄

十年寢想西泠路重對湖光分外奇  
樓閣盡如仙化去雲山猶賴佛撐持  
更無金碧將軍畫但有空靈表聖詩  
畢竟淡妝看最好漫將濃抹勸西施

遊天竺靈隱諸勝和道華韻

淡蕩詩情澹蕩天雨餘風物更清妍  
龍吟百道水聲壯人立一峯鬢影偏  
此處湖山天下秀同來眷屬地行仙  
瓣香莫問西來旨拈著梅花便是禪

附錄

曉鶯啼徹嫩晴天喜遇天緣百事圓  
流水聲中清磬冷慈雲影裏碧峯妍  
拾來香艸先呈佛修作梅花不羨仙  
到此凡心消盡否尙餘結習尙詩偏

飛來峯

一峯無根突然起體附大山實異體  
萬竅玲瓏混沌啓雲從裏出復入裏  
人來隨雲穿洞中洞中有洞迷西東  
低忽下壓俯我躬高忽仰企勞雙瞳  
一轉一碧勢不窮世界縮入青芙蓉  
橫從

兩脇穿其胸一綫始與青天通上有長松天矯如蒼龍下有飛泉蜚蟪如白龍樹透石骨比土懸水齧石竅根嵌空旁生石筍何龍疑意欲一支別出成奇峯此峯來自蓮花國面面蓮花坐古佛不知是佛遊戲移峯來抑是峯自偷來佛尋得我登其巔勢傾側疑是峯真生羽翼天風搖動蓮花莖徑欲乘蓮入西域峯既能飛來亦可別飛去願天借我東南風飛向吾家屋邊任吾鄉亦有雙鏡湖得此山水可甲東南區如何天風吹不動歸家又作杭州癡

孤山探樵歌

西湖雪消萬峯出獨賸孤山一堆雪春風吹雪雪不消遊人都過西冷橋山南萬花雪皎皎山北花猶似珠小人穿花中雪亂飛玉杖杖出牽人衣一亭亭亭出花頂花影縱橫閒人影但看香海白四圍不見明湖綠千頃高人詩魄花下藏花氣薰得白骨香千年骨香化作樵一樹獨領羣枝開先生自有花眷屬笑我欲共山妻來若論花妍人白首先生勝我得美婦若論人辯花無言我比先生得詩偶一吟一嘯雙徘徊瑤山雪海爲玉臺亭前驚起老崔舞飛上枝頭作仙語

附錄

高人風骨美人姿圍繞孤亭玉萬枝稱我暗香疎影裏滿身詩意立多時

折取南枝當瓣香隱君祠下奠椒觴一聲崔嵬清如水花外濛濛又夕陽

晚霞圖裏畫船開回望孤山雪一堆柔艣一枝鷗外水冷

香隨著過湖來

歸舟

鷗波搖蕩綠參差，收起春帆去路遲。  
過眼雲山千幅畫，破眠風雨一船詩。  
懸猜帘影橋邊柳，背覿花香艫後枝。  
如此浮家吾願足，不歸猶可况歸時。

探樵北山，懋破腹寺，遂至維摩寺。

香在東風裏，冥冥何處尋。  
偶隨流水去，一徃白雲深。  
寺古樹忘老，山空春有心。  
忽逢天女笑，飛雪滿衣襟。

春濃

東風人在畫中詩，濃抹春光似大癡。  
一障青環城內外，萬花紅繡屋參差。  
漫天柳色藏鶯小，夾路衣香過蝶遲。  
水樣韶華誰解惜，勸人惟有酒家旗。

花朝醉後歌

天眞閣集卷二十六

十四

有花難得月，正圓有月難得花。  
正妍今宵花與月俱好，明月滿地花滿天。  
東鄰西鄰皆酒徒，但聞酒香不用呼。  
一庭團坐花月裏，月爲燈，燭花爲廬。  
左手執花枝，右手提玉壺。  
月光在手搖漾如明珠，此時一醉無所須。  
玉山便倒花能扶，君不見峴山之碑，高徑丈，剝落龜趺客，悽愴又不見。  
將軍冢並祁連山，麒麟倒眠豐艸間。  
豐功鉅烈不常有，何似好花常在手。  
歌臺舞榭如雲煙，明月不用青銅錢。  
月能止人寢，花能勸人飲。  
諸君各盡三百杯，花月便是糟邱臺。  
月缺不復圓，花落不復開。  
東風翦愁愁不斷，劈破春光已過半。  
已過之春風流雨散，不可思未來之春天時。  
人事胡可知，及此花月正好時。  
飛花喝月君莫辭。

清明日泛舟山塘

鷗波人在鏡中行，飛出青山帶笑迎。  
畫舫桃花仙眷屬，紙錢楊柳

柳古清明烏鳶攫食誰家家羊馬橫眠異代塋一路春風歡笑  
裏蕭蕭攪入白楊聲

病

牛鳴螳鬪太縱橫伏枕昏昏似火炕骨豈成仙餐竟廢覓先近  
鬼寢多驚三風痼疾何時已四海瘡痍未盡平無力手援天下  
因此身何解病纏縈

病起

同人右月下賞海棠之約至是而花落久矣作此解嘲

睡過媽紅蛇紫天起來新綠已娟娟殘春力盡如人瘦明月情  
踈背我圓萬事未來難預約一花相見有前緣維摩示疾神通  
大天女何由爲破禪

偶過燕園有懷伯生

萬里從戎客春風不到臺地邊客傑氣天厄見奇才塞艸懷人

看園花背主開 天眞閣集卷二十六 國恩知未報未敢勸歸來

庭中開牡丹甚瘦戲作

家貧諱言貧賴有花富貴如何玉環妝卻作飛燕態方爾未花  
時調護匪敢懈冰霜謹蔽遮宮澤屢灌漑奈何人功勤難拗地  
力憊親朋偶來觀顛顛替花慨予笑語衆竇此事勿深怪自憐  
瘦而狂近復病新瘥寒棋癯可方修竹影相賽如花獨豐豔花  
與主不配行將送此花移植朱門內酒肉時熏蒸錦帷日覆蓋  
會開御衣紅且發紫袍帶花既得其所免使我心痲花神冉冉  
來向我笑且拜自從人君門培植荷深愛曾無俗士看惟與雅  
人對風月爲九錫詩篇當十賚清幽稱安居寥寂喜共耐忍以  
瘦棄將情薄母乃太黠首笑謝花前言戲無慙以我沈郎胷匹  
卿楚宮佩瘦與瘦相憐不瘦便不嬌慎毋學癡肥日對田員外

贈婦

束髮爲夫妻相莊無慢媿不緣危病中焉知情篤絕偶蒙霜露  
侵一氣遂綿懽熱如墮火阨寒苦臥水穴傾身護我寒取涼熨  
我熱湯液味先嘗械審手親擊避人默禱祈肯我潛咽咽餐寢  
意兩忘晝夜醒常徹諸兒奉殷勤弱女侍懇切未若君精誠可  
會不可說兩旬始彊起雙弓稍能啜火候必謹伺水泉務香潔  
題糕截雲腴說餅糝玉屑人藿脫釧償燕蓐拔釵設不食勸加  
餐既食求搏節垂幔慮風侵添衣防日暎朝看體展舒開顏暫  
夷悅莫聞語呻吟愁眉又雙結知我善憂貧罄餅勿漏泄戒我  
喜讀書插架悉屏撤親戚道過防婢媪迺拙保母衛嬰兒誰  
能此曲折我如屋上茆煙蘿賴補綴我如霜中蘭花蝨煩剔抉  
平時最矜嚴豈敢涉私褻自信正大情不在兒女列一月不梳  
頭今晨鏡奩揭顧我身束柴累君髮添雪何以酬君賢作詩播  
芳烈惟期日與月相照永不缺

天眞閣集卷三十六

十六

王生

希曾

家餅供柏枝忽生綠珠子久漸肥大一綠蝶

翩然飛出生以碧筠籠貯之繪圖索詩以紀其異

古餅貯水水不死枯柏經春孕珠子一珠獨靈大如指包得南  
華齊物旨春風微噓珠眼穿綠雪脫出翩如仙湘簾過身瞥不  
見已在屋角桑陰邊生時世界但一碧不配尋花配尋葉東鄰  
粉蝶不相知道是葉同葉相貼青銅柯上思前生千年黛色衣  
染成墜樓佳人竟覓化飛勢還如自樓下王生捉得喜欲狂籠  
以碧筠爲蝶房潛身綠處如繭藏性與籠適形相忘開籠放出  
綠衣嬌身帶柏香兼柏翠綠鬢纖手搗麝蕪翻新爲搗滕王圖

趙生叔才以紅紫白牡丹見貽病中對之輒然有作

已分尋春晚况聞香委昔何期有三豔更喜盡重臺落翦芳心  
活迎風笑口開人無看花意花自逼人來

戲題鍾馗美人扶醉圖

拋長劍把深鍾鐵顏燥泛榴花紅須顛不張雙眼朦紗帽倒著  
迎薰風路鬼那識進士公平時意氣破鬼膽醉鄉一消氣都輓  
馗平馗平爾何懶馗也逃離笑不答更卷白波傾十榼顏然自  
有美人扶方今太平魑魅無

吳秀才

鼎文

索題種石圖

乞得靈根向女媧亟攜鴉嘴墜煙霞本來溫潤原如玉儻使能  
言絕勝花自臺空青開洞府漫疑環列當排衙養成面面芙蓉  
碧壓倒英光米老家

畫棋

天眞閣卷二十六

七

畫棋莫作畫工畫盡失天趣惟人工如何纔到恰好處不在畫  
楸人意中

趙文毅公視銘

剛腸鐵面以抒直諫太真之徒視此視

清眞觀宋棋歌

觀在崑山縣治之北相傳棋猶宋初物花時香徹數  
里遙望若珠蓋覆於老子之宮人坐花下則繁英障  
天香雪匝地根蟠曲一庭幾徧子十二歲應童試至  
縣所見如此時乾隆壬辰歲也自後不復至至或非  
其時及嘉慶庚申歲膺李味莊觀察之薦主講玉峯  
書院重過清眞觀則院宇荒涼尋道士問宋棋皆不  
知有是蓋闕二十八年而人與物俱非矣時常州呂

叔訓爲縣學博士云聞之老吏某年花盛放時縣胥輩方懸燈徵樂謀於明日張醮其下閱夕而花盡萎樹其神矣哉或云道士苦煩擾陰以藥殺之其或然與暇日追憶其事爲之作歌

梅龍在世八百年曾識驢背希夷仙世間老物數有盡玉鱗一夕飛瑤天自恨此生生已晚猶幸前緣緣不淺不見神龍天矯時猶見龍身老蜿蜒是時二月已落楝花肥樹大獨後開千枝萬枝一廟蓋殿角參差縮花內環視琳宮亦非隘無奈楝花比崖大人入廟中花世界一半花猶垂廟外晝不漏天爲花礙夜不漏月有花代春風吹香一城醉看花人來肩壓背我從一見寢不忘無緣再覩施與嬌江南處處南枝香圍不滿尺高及牆吾鄉崇禎三載樹較此亦在孫曾行二十八年尋舊躅化去梅

天真閣卷三十六

六

覓賸楝屋道士霜鬢長過腹問以楝花瞳兩目當時悔不施神通靈根掘起煩豐隆五丁力運萬牛載移植吾鄉老子宮不然願借少女風吹醒楝冕枯根中怒芽一夜發千幹還我珠蓋撐晴空不可追者渺然已去之仙蹤猶可攀者超然後起之猶龍不見銅阮西積皆凡庸讓出虞山一樹獨秀江之東

宋楝亡而崇禎一樹獨存矣

### 天仙畫人歌

金雲門夫人名禮羸山陰人吾友王仲瞿之配也於畫無所不工山水似李昭道董北苑下亦似趙承旨人物似李公麟仙佛間似陳老暹花鳥似徐黃墨楝似王參軍蘭竹似趙子固又能自出新意發露天機人問其何所師曰吾師造化耳顧一畫恒數十日稍不愜便棄去嘗作十八尊者欲以施雲栖長各徑丈

珍禽奇樹備極瓌偉墨骨既就以傳色須錢百千久之不成就龍樹一尊而已每日晨起坐一室研吮丹粉盡二鼓乃已家之有無不問也予寓仲瞿家累月未嘗悉其聲影有具金帛求畫者輒謝曰吾畫豈可求而得者獨善予與舒鐵雲詩許爲作畫余得墨棊一幅又嘗爲先太守作從軍西藏圖絹長三丈餘人馬如豆經年始成未及傳色而夫人亡矣年二十有九仲瞿寶其畫常以數十幅自隨有乞之者別倩能手作贗本與之仲瞿歿不知流落誰手矣夫人嘗乞予詩予詩不苟作今距夫人歿已十六年乃作以報其靈爽畫傳詩耶詩傳畫耶姑俟之百世以後

能人不能名曰天死而不死名曰仙天仙之畫如雲煙天仙之

天眞閣集卷三六

九

名以畫傳婦人能畫倒好嬉偶搗一長已足奇發露萬象無所遺包涵萬變隨所宜古來丹青只數手挽下奔趨無不有各家大家何所摹胸中擺脫一箇無不師古人師造化畫屈古人出其下貪天不足向天借此筆靈奇天亦怕風冷冷雷冥冥帝召畫仙歸玉京仙筆去畫天宮庭人間數紙徒飄零俗眼不識識者驚山捫之而有稜水聽之而有聲雲如行樹如生花如馨鳥如鳴畫人膏骨兼畫情肖物肖神非肖形化工在手天無能名以一妙無可名似乎仙乎仙則靈

孫武子玉卮歌

伯淵前輩兄爲山東糧儲時得此卮余詩久矣今伯淵已歸道由予不敢食前約且予與兄俱公之後誦先烈也

一方寒玉含兵氣佩出風雲變天地吳人踏破楚山河五戰兵符此鈐記雙螭蟠屈蟲文蝕兵勢攻謀視此刻豹韜手秦十三篇篇篇紅印桃花色吳劍無端飛入楚吳王衝冠用孫武利趾三千多力五毀十龍鍾爇高府闔廬夜人秦嬴房子山亦登囊瓦牀齊人晉人膽盡裂如此兵法非尋常可惜奇謀止於此何不縛俘獻天子功高攘楚勝桓文只快私讐胥與鬻吳壞釣魚作膾羞將軍醜罷天容秋水精宮中鬼啾啾美人冤泣尋雙頭巫門大家土色鐵行人下馬瞻武烈留傳此印印丹砂猶帶掩餘燭庸血

鴻儒歌

天生聰明墮雲霧舍卻性靈攻考據一字異同百口爭兩字持摺萬言疏頭埋故紙若蠹魚心無一孔如巨觚自誇碩學繼馬

天真閣集卷三十六

三

鄭郤鄙辭章揮李杜古來博學惟宣尼郭公夏五多闕疑不聞手箋三墳註八索上攷九頭五龍及攝提平生韻語是所好贊易篇篇總清妙庭訓頻煩勸學詩閒情自寫猗蘭操子輿考據亦復踈江淮賦絡心芒如說詩但以意逆志讀書不肯盡信書我有聰明自發議上窮九天九地要令後人考據吾詩文何爲日與前人作奴隸今之鴻儒古之奴或主漢儒或宋儒傍人門戶不敢發一語拾得餘唾如珍珠我愛陶淵明清風筆端灑終日讀我書書不求甚解不求甚解解必真不宗前論論必新宣使諸公笑我枵腹人母使撐腸拄腹盡是頭巾塵

桃花莊歌

弔王仲瞿也仲瞿僑西湖之王氏莊隙地皆植桃榜其門曰借他紅粉三千樹伴我青山十八年意謂桃

花命短止此數耳予於嘉慶丁卯仲春信宿其中時  
花甫三年今春于役杭州重過其地花恰十八年矣  
雖零落猶存數百株而仲瞿下世已六年求十八年  
之窮愁著書天猶靳其數吁命矣夫

一莊半讓桃花居有桃花便桃原如桃花濃時春滿廬桃花叢  
中人著書問君著何書一身跳出仙佛儒上凌九天搜神嚮下  
入九地窮鬼區要將兩開文字另闢一境界使千秋文人祧唐  
黜宋祖仲瞿虹氣燭天驚上帝怪爾鴻文洩元氣救使夸蛾奪  
彩筆筆能扛鼎奪不得奪其祿命予以貧使之救貧不暇何暇  
爲奇文仲也違天與天戰因文致窮窮益變宦使貧難蔽風雨  
不容語不驚雷電三旬九食眼花眩饑腸自嚼桃花嚼桃花中  
無人扣門桃花寂寂來笑君文光萬丈有誰識不如花光自透

天真閣集卷三十六

五

春空雲春空雲結五彩花中人竟安在花壽十八年文壽億萬  
載世人但見花眼前憐渠不及桃花年

### 黑水洋

詠李忠毅死事也公諱長庚字西巖閩之同安人官  
浙江提督以勦洋匪蔡牽歿於廣東潮州之黑水洋  
故事提督綜全省水陸軍事無出海逐賊者公以賊  
勢蔓延三省聞軍不足恃乃自浙而閩自閩而粵狂  
濤駭浪中親冒矢石蓋其忠勇出於天性常載楫自  
隨誓死殺賊至是爲礮彈擊喉而卒時嘉慶十二年

十二月二十五日也

黑雲障海海汨天掀鯨跋浪天爲掀將軍樓船自天下蛟龍驚  
竄風靈旋我船十丈高五丈匪艇更高我攻仰

公造大艤名靈船連敗牽牽船

閩商更造大艇出是船上帆浴蠹脂禦火焚帆下渴烏激水上火攻兵攻兩

不及賊矢翻於我船集將軍一呼海水立土卒爭先一當十手

提雙桴戰百合縱火賊帆燒五葉煙飛砂走風更急鼓聲雷轟

賊雨泣火毳霹靂從空來桓桓七尺如山顏中軍舟亂下軍退

閩帥見中軍亂引師先退賊船銜尾衝波開海上千人萬人哭如此天

心人不服元戎獨喪何鎮南窮寇未除徐道覆計公與賊十七戰戰

戰垂成事中變浮鴈馬躡龍灣頭南汕北汕仔尾州屍橫百里

奪百艘窮鱗勢蹙魚吞鉤陽侯陡漲朦朧浮是猶天意非人謀

公既連敗牽率屯重北汕沉舟鹿耳門自塞走路一夜潮驟漲舟漂起得過去最可惜者定海捷斷其

兩臂茂與業如茂徐業焚其三窟艚與牒絕其四路掠與劫糧

盡兵窮命呼吸賊走閩疆但乞降公自窮追務拾執材官傳箭

來止兵浙師不得閩橫行將軍功成功不成公回帆受人制賊

天眞閣集卷二十六

揚帆得其計烏虛人耶抑天意公由定海追賊入閩壺糧盡艇壞不日就擒閩再以令箭止公

兵牽得乘開修艇去公於此時志已定死報國恩盡臣命貂纓翠羽麒

麟服壁上諸公徒瑟縮臨淮慷慨插鞞刀陳子從容具含王將

軍雖亡威信存部下誓報將軍恩長鯨終斬盧循首朱鳥應招

馬援竟十四年公都將王得勝殲率於浙江温州之黑水洋至今三省無海氛海波蕩蕩

開紅雲海戶尸祝公成神國殤更有胡將軍温州總兵胡振聲於嘉慶九年被戕

宋梅地塚

在太倉茜涇鎮南一里相傳宋高宗自海渡甌有謀

妃侍輦道卒葬此按本紀建炎三年十二月帝乘樓

船次定海明年正月次台州金人來襲遂由溫州駐

越州無渡甌事惟紹興四年十月帝次平江六年九

月復次平江時蓋金齊合兵來犯趙鼎請親征或於

此時挈如行在歿後葬於婁然不可攷矣

一馬負龍南渡來蛾眉傍輦龍顏開神娥倏化彩雲去千春玉骨封莓苔是時未定臨安鼎金齊合犯江淮警宮女三千遁海

航聞警令後宮自溫航州泛海如泉州

六師倉卒臨吳境吳苑秋風輦道涼靡蕪

淒碧滿婁塘玉魚自伴梨花葬錦韞誰傳藕覆香回首汴京烽一炬犢車盡輦如花去瑤札雖憑洪皓傳金環空向舊勛付可憐一曲怨歌行霓帳琵琶淚如注寶匣珠襦開九泉漫言薄福如朝露承恩獨讓侍康亭一朵紅雲芍藥生花下繫羊徵福慧舟中躍鯉語聰明張家絕膝劉家廢番舶明珠終不至何似椒房陰火青弇山松柏西陵意一樹冬青噪白雅六陵王氣散飛霞梓宮已被奸髡斲麥飯誰從義士賒豈識茂陵秋艸外荒濱猶賸玉勾斜行人莫認樓東認別是南朝一樹花

### 金姬墩

天眞閣集卷二十六

三

在吾鄉湖橋西數里相傳偽吳張士誠妾葬此余少時過之松柏猶翳今則童然矣絃此俾後之人知所攷焉

一堆芳艸雲容墮春風搖蕩梨花覓田夫攜鋤不敢耘寸土尙說吳王嬪高紗紅帽稱孤君前殿十嬖倖後隊千紅裊神兵一埽空媿氛狐嘯兔竄同時旋清風獨有劉夫人白駒場萬夫雄赤龍船一炬空黃菜葉乾西風鐵篙子打破倚錦峯西尙湖左湖煙淒峯月墮幸免齊雲樓上火

### 天台圖

已從絕頂隔飛處更有奇峯萬疊懸瀑自封仙世界橫雲何處美人家玉杯影墮谿中月錦樹濃開雪裏花笑我題詩空讀

畫一簾秋水寢胡麻

畫楫與邵生 唐鈔

巖坳深雪瘦枝蟠骨傲天生耐得寒得意自開花一樹不曾開  
與世人看

屈君 心樵 以寢遊雁官詩見質輒題其後

子晉吹笙處茫茫四百峯白雲遮不斷一面一芙蓉偶發凌霞  
想言尋跨雀蹤覺來懷裏月猶掛東谿松  
我抱神仙骨常期汗漫遊便乘黃雀肯直過大龍湫欲寢無仙  
枕虛懷與水流空吟李白旬長嘯凌滄洲

北山石

北山石青巖既有盜鑿取青琅玕山骨斲損山脈殘東家墳上  
石西家墳上訴官勅西墳石如故東墳之盜官不訴諸郡石  
投水訴諸臺石填海畢竟石從何處探石不自言誰訴宰

秋雨

望雨久不雨雀時翻雨來有禾須刈穫無土待滋培潤物功偏  
新違時澤轉災惟餘山石喜 唐鈔 滄白雲隈

擔菊圖

一肩擔得秋兩頭冷香嫋嫋風鷺鷥無人拋錢買秋去長街踏  
葉秋愁愁秋愁愁鬢絲照水羞白鷗霜整正肥明月瘦有酒不  
待歸而謀開我碧瓊香掬酒浮花黃花香酒香雙入手焉用黃  
金印懸肘醉來便以花擔還不知花仙抑酒仙此中別有秋世  
界人來買秋秋不賣

短歌一首贈王生

我昔見生初入塾背誦經書如有穀豈謂儒冠多誤身脫屣時

榮隱巖谷二十隱於賈三十隱於醫得錢沽美酒得意吟新詩  
四壁活人書盎然得春意一卷避俗文颯然帶秋氣一疾弗瘳  
終夜思一字未安拈斷髭王生王生徒自苦寂寞身後誰相知  
學詩學醫不如去學諂媚骨終須致身顯不見紫金丹進醫得  
官雞舌香舍詩中選

畫棋

仙骨亭亭不染埃自臨清沼影徘徊人間只種凡桃李何苦東  
風寂寞開

橫跨巖坳受雪封冰心鐵幹耐深冬雖然未預調羹事亦是山  
中一臥龍

落葉

向夕霜颺動遠碁亂隨秋氣下空林蕭條頓改山河石搖落難

天眞閣集卷二十六

三五

回天地心吹帽羞看雙鬢短閉門愁對一燈深無人會得悲秋  
意盡道丹楓勝綠陰

觀楓小雲栖得四絕句屬改七香就詩意補圖

幾日新霜下杳冥眼前風物已凋零青山厭聽人閒事自入秋  
來醉不醒

空翠沉沉石徑修白雲橫斷古林幽雲中不是仙原近那得桃  
花直到秋

春氣偏烘木落時新妝不是鬪燕脂難將一種殘秋恨說與西  
風冷翠知

天風如水襲衣涼歸路詩情寄野航越是晚山紅越豔勸人回  
首有斜曷

病不可醫惟有俗不種靈芝種脩竹嘔斷飛塵十丈紅映得須  
蒼一時綠清風蕭蕭五百竿虛堂白日生秋寒襟情瀟灑與之  
化勝如換骨求金丹春雷一聲迸蒼玉養向寒泉飽饒腹渭川  
千畝在胸中何用便便爾雅熟

晚眺

一塢紅香夕照微幽居寂寂敞柴扉靈瓏幾筆桃花影隨著輕  
雲欲上衣

花香人影兩徘徊隨意尋詩坐綠苔幾縷瘦霞紅不定晚風拖  
過樹梢來

秋海棠

鬢側鬢歛翠衷偏不勝清露影娟娟玉環風致依然在只是秋  
來瘦可憐

昭文 孫原湘 子瀟

昭陽協洽

松石齋硯歌

趙文毅公物九世孫允懷所藏予既爲作銘復申之

以詩

片石剛方如鐵面磨墨淋漓供直諫正氣常從墨氣凝撐持萬古綱常變齋名松石三字存當年出處常隨身想當濡豪抗疏夕風骨稜稜似此石輔臣若畱世無父輔臣若去國無輔去則國衰弱畱則國富彊輔臣爲國忘親喪直臣爲世扶綱常公饒我你殺我苗縱彊顏去不可天子怒相公怒可惜相才無相度孤臣被逐倉黃行身惟一硯與一觥許文穆贈公別號觥歸家廟黃流馨硯傳後裔世澤承不見賢孫一疏尤琤琤又憑祖硯効奪情武陵何似張江陵

天眞閣集卷二十七

題畫蘭

宛然清露被江皋葉葉靈芬出素豪一種離披烟雨態勝泥殘

壁畫離騷

寫得靈根九畹芳玉叉高展看瀟湘春風吹過閒蝴蝶畫裏來尋畫外香

題瘞霍銘後

焦山屹江流蒼翠勝浮玉下有神仙書胎禽瘞山足何年值雷轟瓊珉致壓覆體既裂爲四中又失其腹殘璋齧驚湍斷缺漱怒汛肩屬久漂沒蟾鳥共沐浴石理成錐沙鋒穎近頽禿邵亢昔考次張墜復搜錄銘尾闕文二右下失旁六物非趙璧完疑

且郭公蓄後人苦聯綴鳧彊雀脛續蕩蕩形舛譌銘韻重複  
紫鳳與天吳顛倒義難續金山度非真玉煙刻尤俗惟有張力  
臣搜剔窮江麓剗苔獲親捫臥葉藉仰矚周旋三日羸湊台四  
紙簇題名審岳君引用屏西竹方位按若部圖經瞭如燭岱暉  
返舊觀匡廬還面目較前增八字依形摹四幅惜哉重立願未  
得遂所欲銘文究何氏書法竟誰屬自從宋元來紛紛辨殊族  
顧况華易號語出歐永叔羲之龍爪書論發黃山谷筆疑隋代  
隸君謨以意卜畫近王瓚書無言因類觸東觀黃伯思餘論著  
天祿斷爲陶隱居畫版本此縮天監辰午間時方棲句曲右軍  
推甲午未涉宋方躡逋翁瀚壬辰其時髮初束辨說似可信輿  
論亦未服比以朱易館祇如息刻鵠較之茅山碑未免馬指鹿  
南邨俟稽攷廣川辨紛郁不如淮陰張一掃陳案贖真逸與山

樵逃名隱金徽仙尉及真宰頭銜比玉局烏容彊指名穿鑿徒  
喧瀆滄洲出之江秋水好尤酷揚本當瑤琨什襲付緘櫝光訝  
虹霓纏守恐蛟龍伏何當攜此本徑造焦先屋坐臥碧落旁摩  
挲响嘖熟題詩子美蘇踏雪放翁陸訪古繼清興搜奇詭眼福  
神仙如有靈護此薛碑綠橫江白露寒雀唳天風颯

王參軍墨棊真蹟曩曾見吳竹橋丈家長卷茲復覩屈

竹田所藏巨幅爲題長句以識眼福

昔從吳氏

竹橋丈

見長卷絹羸二丈棊榭心頭橫亘二丈雪有

瘦只癯元章花朝來一樹入我屋突兀眼前置巖麓孤根偃蹇

蟄龍瘦力載千枝萬枝玉一枝勁挺一枝曲一枝下垂一枝矗

枝枝相顧不相觸奇外出奇神斷續張之滿屋狂花狂窺簷寒

雀欲下翔風吹朵朵來暗香拍手大叫棊花王其筆雄彊不可

奪筆龍天矯，棋龍活是方。牛背讀書眠，笑對素琴寫。奇倔抑從  
虎帳談兵餘，盾鼻磨來墨濃抹。襟花格高，高似人落筆掃淨胸。  
中塵高士手寫高士真，盡棄皮骨存其神。胸中但藏十萬兵，筆  
陣所到何縱橫。皎然雪海冰天清，中有鐵馬金戈聲。五百餘年  
絹不改，中含奇傑精靈在。玉义高展看冰花，喚起當年胡大海。

鄭所南蘭卷

夜烏飛上冬青泣，半壁東南盡荆棘。獨立天榛地莽中國香，一  
朵無人識。其根半死猶半生，其葉不枯亦不榮。棄根寫葉明爾  
貞，葉其肺腑花丹誠。問根在何許，乃在白雲之鄉碧落宇。朝披  
髮兮逐夸父，夜瀝肝兮詠天鼓。願天還我本穴國中一塊土，天  
水沃之植香祖根兮根兮託有所南風堂上葉葉翻一葉一扇  
招冤孺孽肝作紙淚作墨寫此國殤好顏色二王之靈耶文山

天真閣集卷五十七

三

疊山諸君之精英，耶海波湯湯雲冥冥。護此兩葉幽蘭馨，助以  
王清惠之悲鳴。譜以汪水雲之琴聲，卑如陸柔柔賤如毛。惜惜  
亦許翬栖此花碧，惡艸叢叢首莖柞雷癘炎與黃萬石。

鍾映淵得姪人陳淡宜作刀尺侑觴圖索題戲成三絕

句

刀尺聲中玉漏長，一鉤斜月照流黃。勸郎今夜東風煥，更爲如

花盡一腸

鍼箱綫帖伴琴書，擁髻風情倦繡餘。一縷柔絲雙翦水，酒龍粗

氣盡消除

不數虛家有莫愁，並頭雙影照銀甌。酒闌更泥麻姑爪，繡了盤

鴛繡醉侯

書明特授游擊將軍道州守備沈雲英墓志銘後

雲英蕭山長巷里人父至緒道州守備崇禎末流寇  
攻道州至緒戰死雲英率十餘騎入賊柵連斬卅寇  
奪父尸還賊避其威引去湖撫王聚奎上其事詔以  
父官官之代領其衆其夫賈萬策蜀人也以都司守  
荊州南門賊陷荊州萬策死之雲英乃辭官扶柩歸  
葬家貧授徒傭書以自給族人沈兆易嘗從受春秋  
胡氏傳年三十八卒葬於龕山毛姓誌其墓

趙娥隻身父讐報將軍全忠又全孝柴家一旅孀子軍將軍能  
武兼能文殘明流寇如蠡起江漢紅巾蔽千里老將橫尸成國  
殤壯士三千色灰死閨中有女方明妝擲卻寶釧持銀槍兜鍪  
束髮巾幗藏朱旗拭淚臙脂光隨身十騎莫可當連斬卅寇如  
屠羊奪還父尸血戰場白日慘慘天蒼蒼一軍從此人心奮開

天眞閣集卷五

四

營各厲摩天刃誓殺讎頭祭父靈誓平賊壘營歸觀狂寇滔天  
不怕天霹靂敢與天周旋獨畏蛾眉如畏虎捲甲潛逃竄如鼠  
事聞天子恩特寬詔領父衆官其官秦家白桿號無敵忠勇還  
看沈遊擊天心佑賊不佑明南避道州北破荆桓桓虎臣死結  
纓父仇未畢夫仇并旣不能苟灌踰城救父急又不能謝蘊抽  
刀殺夫賊賊躡金甌半殘缺一女支撐何補國辭卻專城印繳  
還尺一封錦車繡織拋春風梨花長槍臥綠叢布裙兜土湘湖  
東勁節自挺霜芙蓉十三篇畧收藏起一卷春秋傳弟子觸目  
傷心淚灑珠銳司徒又辟司徒曾邀石窮君恩重忍向燕雲間  
故都三百年來空養士禦寇誰如奇女子生入木蘭詩死入班  
姬史蕭蕭松柏龕山墳松頂早雕盤陣雲一碑足抗曹孝女萬  
口尙說前將軍

二鳳曲

伍鳳姚鳳皆東莞人皆好酒起兵應文天祥伍善稍敵圍急以銅槩爲爵飲酒訖陷敵陣麇戰力盡被縛元將黃世雄欲降之伍大罵躍起縛盡絕左右趨殺之姚善泗號水犀頭將軍兵敗得免歸操舟捕魚海上元將張宏範遣使招之姚呼酒大醉哭三日死二鳳正史失載予從張瘦銅填集中見其事而詠之

白雁來羣鳥散鳳兮鳳兮獨赴難趙家天下賸海航長城只有文天祥贛州一潰屯潮易誰與應募來勤王一鳳飛騰橫稍利一鳳廻翔逆泗至文山營卽阿閣巢得爾孤軍添兩翅古銅槩大一石容麗江江水蒲萄濃飲罷擲槩聲震空陷入敵陣摧其鋒敵兵四面圍十重蛇矛丈八如游龍勢孤力竭無英雄頸血

天眞閣集卷十七

五

熱濺花田紅一鳳見摧一鳳隱散卻鱗鱗權擢漁艇糟邱臺卽桃園境遁入醉鄉拌不醒醒來慟哭狼啼嶺被人窺見漁蓑影酒旗招颭旄頭頂先有一星天上等嗚呼二鳳皆酒徒市井不識詩與書胸中祇識一趙字死爲趙家不移志紛紛迎降若犬彘讀聖賢書學何事

客氏拜

王仲瞿從厥肆得客氏拜三字一帖字徑三寸予見沈歸愚集中稱劉公敞嘗得一紙蓋遺穢亦人所珍弄也

乾清門外呵殿聲老祖太太拜客行文拜崔呈秀武拜田爾畊五彪五虎拜末徧中使傳宣頒御膳陸令萱位侍中李園妹納後宮手障日月天朦朧世界染出茄花紅

金妃印

宋姬者宋端肅王女幼戲水濱得玉印一枚曰金妃之印靖康遭掠入金金主彊納為妃金徙二帝於五國城姬驟諫主怒手刃之或病姬屈身事讐苟如早為之所不知其蓄謀藏機將使禍生衽席以雪大恥既不得聞猶冀一言悟主二帝生還卒至血濺金庭骨糜鼎鑊其志不得伸其死得其所矣詩以明其志日落汴城金世界天遣瑤妃作金配帝后青衣盡北來玉質金枝復何愛酪漿羶肉侍旃房豈比秦樓小鳳凰脂粉謾求涇水磴梅花全改漢宮妝淒涼海上秋筵語木葉風高淚如雨青塚拌為絕域埋玉顏更比和戎苦痛絕天朝兩可汗事同懷愍最辛酸牽羊已受青城辱鬻髡難禁雪窖寒玉階泥首哀號乞願

天集閣集卷三十一

六

免宮車更遷越但教魚服慶生還敢惜蛾眉膏斧鑕赫然震怒雷霆威妄言敢乞潛龍歸一聲未畢鵲嗥恨三尺旋看鴛刀揮血濺金庭花盡落尸橫霓帳日無輝大讐未復身先死地慘天昏訴與誰此身已悔明珠失此耻誰為玉湔雪何似捐軀委質前免向穹廬執巾櫛豈知臥甕如臥薪口銜石闕難分明趙娥白刃常為佩宮婦長繩屢度城朝承歡娛莫認桓家配老奴謾讐女九華帳裏暗屠龍一柱殿前親殪虎莫認桓家配老奴謾猜羊后諛新主事成不成自有天諫死終為得死所沉埋碧血無人憐終攜玉印歸金仙異鄉流落歌聲怨雪恨何時返九泉

欽宗朱后陷莽丹作怨歌二章曰今委頓兮流落異鄉嗟造物可速死為強又曰屈身辱志兮恨何可雪誓速歸泉下兮此愁絕

張生眉卿以不得探棹銅坑作詩寄恨詩以嘲之

張生示我棋花詩欲我寄與棋花知聲情宛轉若翠羽風前訴  
說長相思潭東潭西我遊熟每抱花枝月明宿棋花以我爲故  
人我以棋花作燕玉山中二月風雨多爲花不惜春泥拖有時  
花神弄風雪僵凍還愁屐齒折興來欲行逕自行奈何一雨阻  
爾情世間萬事癡則成違天有志天無能憶花便成寢寢醒還  
作詩謂爾不癡亦復癡花應鑒爾長相思花如韞然答君語爾  
不我思託以雨爾欲爲蝶耶何地不可飛爾欲爲雀耶何枝不  
可依若果相思便相覓但道相思竟何益平生與君不相識浪  
說棋花苦相憶况君心不在銅阮作詩聊以銅阮名不然手寫  
銅阮詩如何寢中卻寢孤山枝

訪錢二棋谿履園

岸雲如絮水雪昏何處孤山處士邨沿著暗香風蕩去萬棋花  
裏一柴門

天眞閣集卷二十七

七

香雪盈園數里聞卻憑脩竹半園分著書人在花中住隔水遙  
看但綠雲

花下開尊記古歡臨行刻向翠琅玕香風送我出谿口明月一  
船詩思寒

新晴棋花下

連朝風雪怕春寒乍喜新晴石徑乾曾是一番磨折後轉緣顛  
頽耐人看

一襟疎影瘦筇支看到輕烟弄暝時越是清寒香越斂最高還  
有未開枝

錢武肅王鐵券歌

十雄恃疆稱帝七錢王順天守臣節黃金富有十三州卻寶區

區一方鐵願作開門節度使不願閉門作天子彎弓射落兩日  
生揮劍摧殘三足死長安李花愁運終銘鏞金版來酬庸斗牛  
王氣不可滅借此籠絡真英雄王果志扶王室弱忍覩宮車逼  
遷洛奮威能擊羅平妖入衛偏忘紇干雀錫城南面開雄圖錢  
王如龍天子魚玉帶加封別有主梁王如狼越如鼠江東漫比  
孫仲謀赤壁敢與曹兵仇三千犀弩八都卒不敵打毬馬一匹  
全武豈不武昭諫豈不諫開門節度閉門便但願東南息征戰  
王心好佛如好仁不圖救國惟救民若憑一鳴抗彊敵正恐萬  
骨如飛塵王之功德在鄉里不在臣朱與臣李富貴令終實以  
此九宥丹書奚足恃殘唐五季如雲煙錢家一券九百年土蝕  
水沉鐵不朽所惜字出緇郎手

李節婦詩

夫真閣集卷二十七

八

潁川有賢媛曰嬪隴西子廿三桃夭賦廿八柏舟矢冰霜卅六  
年駁豚徧十指百苦既備嘗所欠惟一死死非婦所畏上有衰  
姑章夫亡翁繼歿姑又旋病牀姑病不可藥刲臂刀如霜死豈  
婦所畏所痛頻死喪死喪不可挽存者僅弱息呀呀兩扶牀兒  
更苦羸疾食爲求肉廢醫爲求葎尤教爲求名師婚爲求良匹  
恩勤心力殫日月去如駛女適士人妻兒作膠庠士鞠子旣抱  
孫可以報夫子熒熒卅六年所欠惟一死正月雨淒淒慈景將  
沉西伏枕呼兒前毋事醫藥爲平生彊顏潛爲汝苦支持兒今  
已成立塵網吾何羈啓母臂上癢啓母身上瘡癢是孝竭誠瘠  
是慈盡力勁節雖表揚未表母心蹟兒誠念慈恩何以報母德

容臘煥甚樸花盛開入春後陰雨連旬比晴霽而花落  
矣

得意在先放又無霜雪威正當香發越偏值雨霏微晦蹟原關  
命乘時轉味幾讓他桃李樹容悅受春暉

春癡語

米囊花濃春睡長上弦月射雕奩光春雲弄嬌頰海棠幽蘭露  
眼啼新妝綠熊茵軟橫鶯鶯瑛盤蔗紫梨堆霜矮燈瘦縮青燐  
芒斗帳靜裊遊絲香神雞叫日升扶桑海水易竭情難量花田  
歲歲驕春易颺麴書窺愁空房

書韓侂胄傳

誰敢中原誓復讐反挑強敵喪雄州惡名竟被千秋傳冤血還  
行萬里頭一樣符離非辱國舉朝和議是良謀九原若見辛忠  
敏蓋世奇功一哭休

讀文信國傳

天真閣集卷三十一

九

小樓一日命如絲宋祚存亡未可知碧海縱無存趙處黃冠終  
起伐元師志殊溝壑成仁大身係江山結局遲蘇武節毛穉紹  
血愧他雍齒受封時

錢叔美爲邵蘭風作紀遊册子

虎邱玉蘭房

青山淡如人春濃惡微露寺古藏樹奇根枯發花怒繁枝塞空  
庭妙香啓深悟東風散餘寒坐久暝色赴素月破空來微茫失  
花處但聞清磬聲冥冥度煙去

燕子磯

長江萬里瀉石壁支中流客思有不樂於此一繫舟高出鷹隼  
背下瞰鼉鼉遊雲中秣陵樹古翠合高秋落日媚遠渚暝色澹  
不收細數六朝癡雪浪空悠悠

日觀峯

我有萬古愁海水不可洗矯首凌丹梯星辰捧珠履天雞時一鳴朱霞出裏裏五包扶桑花衝波溼飛起青綠忽破碎了了見千里何當爲蒼生笑跨神龍尾

居庸關

搖鞭入塞雲秋氣寒空烈風卷馬飛欲仆不可勒白骨堆如沙與艸同一色陰厓多死樹勢若奇鬼逼落日饑鴉鳴角聲啞無力自非壯士懷離思那消得

桑乾河

枯桑號天風積雪沒馬腹寒光逼天低鬼火慘不綠縱橫不辨徑深淺印虎足軍行碾瑤花前進阻怒欲渡馬兼渡人人反轆下伏努力點一篙河聲脆于玉

西湖寓樓

驟雨挾秋至洗卻金碧湖南風將客癯吹墮煙霞餽山情溶於雲樓影淡欲無敲來南屏鐘靜與荷香俱高秋臥涼翠鷗外泉聲粗詩情寄何處瑟瑟西谿蘆

蘭風遺照

拔劍斫地還問天生才不用天無權浪遊關山秋一鞭視拾富貴如遺銅氣吞虹霓吸百川明日萬口新詩傳黃金擲水渦不圓花癯跌碎春如煙九州無地埋愁仙紅塵窟輒貪長眠酒旗一星搖紫躡仰首月竄心茫然

上巳日同諸子醉月

無端插腳輒紅塵不醉如何放過春富貴衰花一度英雄成敗酒三巡鶯啼隔葉傷心語蝶抱殘香失意人勸客當頭纖月

好不常圓聚卻常新

開門見新綠春光去矣

幾日東風報綠肥起尋春寢事全非千金有價花難鑄一蝶無聊絮共飛水去前谿誰勸轉雲來深塢獨知幾春光已去春如賚何苦遊絲絆落暉

庭中牡丹一本去年值予病中花甚瘦今年忽發三花

倍極光豔爲之設酒召客寵之以詩

去年人病值花期花亦如人瘦不肥萬事盈虛須靜驗一身衰健有先幾勢緣蓄極文章盛開到春深伴侶稀不是化工才力大如何結得住芳菲

東風團坐綠雲深人把瓊壺鳥勸斟尺地可當侯萬戶寸陰須惜價千金能教薄俗回青眼難化羣芳釋妬心豔絕不緣閑獨

晚開時桃李況成陰

言叔雲明府

朝樾

宰武寧於園中楸樹上得蛺蝶五恰

分五色不知何時遺爾所化也繪圖屬爲作歌

使君爲政清而勤訟庭常蔭五色雲春風吹動雲紛紛化作鳳子飛仙羣五色若按方位分散則成列團成文家山本是羅浮邨栩栩祇識楸花颺吸楸花露餐楸芬香雪爲屋藏其身使君覽之顏微嘖蝶穿花出來依人西山葛翁衣蛻春仙壇麻姑解下褰抑從滕王搦本眞畫裏飛出春駒神使君愛蝶如愛民不許紈扇驚柔馴縱之日繞花千巡會看養大如車輪喧傳異事民聞聞爭來看蝶登侯門吾侯爲政清而勤願爲青陵嬀使君雲閒吳樹珊秀才僑吾邑作尙湖春泛圖乞題

抱山城郭枕山邨春水如雲直到門橋引鷗來迎畫舫柳藏鶯

坐勸吟樽迷濛煙樹松圓筆蕩漾風花比玉覓若把西湖較團  
泚鏡中差勝黛眉痕

初夏同諸子買醉綠陰

把酒東風得幾時黯然吹綠上春衣一天如寢常疑雨萬物無  
情自得肥鶯語不呼青帝轉蜩螗都化白雲飛此閒可醉休辭  
醉轉眼清陰事又非

雨後入桃源澗

萬樹綠成海一條飛白龍天風忽震蕩晴雪滿芙蓉澗艸有仙  
意谿雲如睡濃谿流杳然去何處桃華蹤

題樵谿天台遊臺

我癡桃原境瓊樓一半遮輸君有仙骨手挖赤城霞流水將詩  
思春風送到家開編淒豔煞如看古桃花

天眞閣集卷三十一

十一

小霞偕平原諸子秋夜湖橋泛月繪圖乞詩

投瓿高風不可攀少年難得此清閒月如至正年閒月山是大  
癡圖裏山

月色助來湖氣勢湖波洗出月精神空靈詩境分明在清夜能  
遊得幾人

張吟樵家有王石谷真蹟自跋云筆意磊落則本叔明

山容渾厚則法巨然摹古人在脫化不求形似也後

又錄文衡山一詩書畫堆邊浴一生論架畫法借書

評請看瘦硬通神處純用顏筋柳骨成葢借文詩以

自鳴得意也吟樵屬爲題識

脫盡藩籬趣橫生南宗北派任人評山河大地虛空碎點入洪

爐一火成

寄題嚴氏栽園

小壺

綠鎖一壺深白雲，不可埽春到無人知。青苔長不老

方舟

翩如一葉舟，長繫桃原裏。卻笑晉時漁，茫茫問流水。

釣磯

幽人本忘幾，坐老莓苔冷。一陣落花來，魚吞白雲影。

學逋亭

但聞白雪香，便是孤山路。花頂片雲輕，冥冥雀飛去。

寄閒軒

璇輪幹化機，萬象易凋敝。何如古井波，輓轡任閒置。

洗心石

埽卻石上雲，玲瓏石呈竅。還恐竅生雲，自臨秋水照。

香瀾亭

水氣涵花氣，花光蕩水光。一泓明鏡裏，浸得月俱香。

香雪阿

春來不見春，冰雪封瑤闕。不是暗香來，都看作明月。

落花感賦

玉閨清曉露華收，細踏輕憐一徑幽。消得繡鞦泥上住，不曾孤

負骨風流

帖帖殘紅弱艸依，回看綠葉自癡肥。故枝欲上何由上，輪與身

輕柳絮飛

穠華一霎漸紅乾，博得清游幾度歡。儘有未開先委地，不曾消

受美人看

香薷已醒寢遽遽隨分飄零向玉除飛上繡茵成底事東風只道是吹噓

郊行

一邨濃綠滴人衣綠外青帘影亦稀胡蝶不知春去久麥溝風煨作團飛

水災謠

道光三年一春陰雨自芒種以迄小暑雨益猛注東南田疇並成巨浸昭文新陽常熟崑山震澤尤甚作此詩以告天

楛雨下時雨下一雨三十三晝夜下無綠野上無青天中無飛鳥無人煙天傾銀河當已竭龍卷滄溟更下汨萬民眼淚成江河哭雨不住如天何

朝雨猛山厨無烟跳鼃鼃莫雨猛繩牀水高入蛇蚓場上雞飛去屋頂不可栖盎中麥變成青紅不可食大兒漂沒如浮鷗小兒夜被河伯收一家骨肉已不保田廬被淹胡足憂

兩三日田中水三尺雨十日田水一丈積積水通塘圍岸塘高田低田同一擲屋浮浮如泛宅舟搖搖越阡陌膏腴一晦價值五萬錢白浪接天鷗拍拍

小暑交積水不肯消小暑過積水轉益大東邨厚水人乏食西邨厚水牛少力一夜東南風勢急明日水仍沒腰膝水滔滔心莫焦嚴州徽州水過屋一半居民在魚腹

市有米家無緡河有魚厨無新腹中餓告鄉鄰我無食鄰有困鄉鄰爲言積穀防己身惡能慷慨濟爾貧城中自有常平倉官吏糶穀入已囊爾餓胡不號公堂

災民瞽瞍羣呼長官官府大笑爾民何好爾思租賦寬爾圖糧  
不完妄言大水何漫漫水能來自能去急歸補植勿自誤有秧  
插秧無秧種黍黍不足種薯預九月十月好完賦

有客有客姓澹臺代民號呼稱水災官爲降階迎是甚好風吹  
得來苞苴耶賦稅耶爲所親者地耶旬有旬報月有月報有災  
無災聽上官入告常平倉穀開尙早且復沿門勸平糶

水淫淫雨不已人愁愁我獨喜借問喜胡爲喜在天心與人應  
九分田荒一分賸田賸一分荒未定索并高低成巨浸死卻收  
漕官吏興雨淋鈴天勿晴願天落與官府聽

高田逼秋水漸消剝肉補瘡分客商朝晨補插莫雨猛一晦漂  
沉金廿餅金誰借賣兒價從此孤栖更無藉枵腹入城且求化  
城中街市盡行船長官還問栽苗田

阿稔曲  
元稹

元稹王巴匪刺瓦爾密鎮善闡時明玉珍寇雲南梁  
高田逼秋水漸消剝肉補瘡分客商朝晨補插莫雨猛一晦漂  
沉金廿餅金誰借賣兒價從此孤栖更無藉枵腹入城且求化  
城中街市盡行船長官還問栽苗田

其辭令玉珍速歸玉珍遂遁梁王德功甚以女阿稔  
妻之功留居善闡功妻高氏寄詩促功歸有蜀牯牛  
明兒央獨宿之句功乃返大理旣而復往有譖于梁

王者王密召阿稔授以孔雀膽毒功曰猶有他平章  
不失富貴也阿稔密以情告功願與功西歸功曰我  
有功爾家我趾蹶爾父爲我裏之爾何爲此言堅不

聽明日王邀功東寺演梵至通濟橋馬逸使蕃將格  
殺之阿稔聞變欲自盡王百計防衛稔終賦詩愁憤



愁一樣忙

貧卻身家富卻才天公爲爾費安排破窗風雨驚人句不是黃金鑄得來

大真沉醉圖

花夢沉沉紫霧冥東風扶起尚恹惺海棠嬌能濃于酒連著君王醉不醒

許鐵山先生聽鶯圖遺照

鐵山名惟枚海鹽人以孝廉出宰上元與袁隨園同時著有上元集行世

白門春色柳千絲畫裏仙郎瀟灑姿想見俗淳公事少手籠詩艸散衙時

嬌喉宛轉滑銀簧醉耳聽歌砭俗腸不信當年春兩岸南河風

煥北河霜嘗與隨園小集秦淮座有歌詠鐵山目攝之隨園調之以詩云爾

自題畫幃

天生倔強一枝斜老住空山閱歲華遮斷白雲人不到春風得意自開花

受盡嚴霜朔雪欺孤芳全不合時宜胎中自具調羹性說與桃花卻不知

冬至煖甚

能歛氣始謐久舒精亦亡如何苦淫溢更復失收藏下溼民多疾暄和物轉傷徒聞寒雀喜不凍集空倉

閑逢涪灘

元旦雨

終歲惟占此日晴埽除荒象轉豐亨天偏覆雨翻雲慣人盡拖

泥帶水行四野炊烟沉不起一城爆竹啞無聲滄江久絕朝參  
寢只向茅簷頌太平

書張魏公傳

殺趙哲殺曲端一時將士俱心寒富平潰符離潰半壁江山徒  
破碎薦才薦秦檜召軍召鄜瓊任將不能將用兵不知兵事同  
韓賈功無成復讐反竊忠義名烏虜舉朝滄滄稱公賢如公功  
罪胡可言佳兒賴有張南軒

書曲端傳

奪怒印追瓌軍將軍跋扈疑無君控涇原保全陝將軍威名真  
不忝敵兵十萬我八千彼主我客非萬全控兵據險須十年言  
之都護曰不然用將軍築壇拜忌將軍長城壞將軍獄中已繫  
維軍中猶卓將軍旗莫須有獄俊助成題柱詩獄浚實興烏虜

子真閣集卷五十七

十九

鐵象殊可惜豈獨鐵山應鑄鐵

書史彌遠嵩之傳

宋史不知何所見巨奸不入奸臣傳謂其擁戴功移星射日天  
難容謂其鋤奸力驅羊進狼同謨國獨相九年國脈傷宋祚未  
亡先已亡助惡有三凶濟惡更一姪蠻烟瘴雨布朝廷晉胙秦  
涇作堂食韓止佳兵賈浪子未殺儲君毒正土不寬賈韓獨寬  
史史書不公有如此

書王倫傳

二帝蒙塵九廟空誰能絕域試奇功敢臨虎口陳和議直請龍  
顏返故宮一死拒封孫揆烈六年持節子卿忠冷山風節節誰  
勝卻道來從市井中

書馬植傳

燕人建策議圖燕慷慨中原誓著鞭三使不辭趨海道六州終得拓山前誰貪侯景輕招納卻致單于數寇邊未獲論功翻首禍可憐蔡郭傳同編

書姜堯臣

靖康之變上皇將赴金營堯臣爲中書舍人極諫不可往番使以骨朵擊之死見俞文豹清夜錄爲補詠其事與前數詩皆以訂宋史之謬誤闕畧云

荆棘銅駝勢已成攀轅號哭有書生儼同朝服登重衛忍見青衣執益行晉乘獨遺王雋傳唐書僅觀海青名幽貞更惜蛾眉殞闕史如何補得清曹勣北符錄四太子求王婉容爲柅罕子婦婉容自刎死亦史所不載

循吏謠

鄧夢琴浮梁人以進士合江津有甲毆乙死置尸黃

天眞閣集卷三十七

九

某之門前政比黃罪黃瘦死民盜樹爲樹主斫顛左旋不死以他事與人爭潰腹死前政以比樹主公至悉平反之定遠民被殺不得主名誣者六人矣公奉府檄廉得實獄始具後官陝西擢漢中守公之論治曰聽訟未也雖然有本焉古之人先治己之好惡而後察人之好惡爲好惡故所至皆治歿後從祀川陝名宦子傳安子乙丑同榜生以狀乞詩爲被之絃以備史乘之采

夔谿濁東家殺人誤西捉夔谿清出罪入罪官神明三年旱六月雪黑獄沉沉誰照徹使君清水刷濁泥夔谿清到苦竹谿作令令擢守守古所難今則有生爲明廷歿明神疇其尸祝蜀與秦使君論政夔曠振治獄治人先治身烏虜夔谿之清清徹底

治譜遙遙父傳子

仲春棗花下

得氣妙於早當機翻自遲香疑微動處春在最高枝淡極已如  
寢寒消應未知卻愁終爛漫芳意願堅持

簡詹卿探棗山中

一樹珠胎結凍雲相思何日散氤氳扁舟昨過杏花岸春意枝  
頭已十分

得意一枝兼兩枝便無香處可尋詩紛紛車馬看花日是我閉  
門高臥時

輓邵匏風孝廉

廣韻

同年

我之先祖妣君之曾祖姑君祖我父行卓犖爲耆儒置酒洛中  
社高會吳橋與蘇公我時參末座君亦在座隅當筵一語訥下

天眞閣集卷二十七

二十

筆千言趨輝映先達前嗟歎稱璠璣忽忽四十載老成悉云俎  
當日兩童子各已霜染鬚君年比我少今亦歸區墟載詠歎逝  
文馬築空踟躇

同年誰最密矯矯席穉仙廉隅共砥礪講席相周旋君家蘭風  
弟藻采尤翩翩花晨與月夕文酒開長筵席旣不得志修文去  
遙天蘭亦自顛顛客死沉幽燕惟君松悅柏相契孫與荃每聞  
山陽遂對影黃墟邊君今復永逝我獨傷華顛惟應扣閭闔各  
賦招魂篇

開君松阿閣白日慘欲莫前軒海棠枝後院丁香樹蘭羞敬奠  
陳佳醕載沍注春風颯然來瑤空際鸞馭穉仙爲之賓蘭風亦  
從耐叔野及子淵靈旗各紛駐落棹滿空庭游魂或棲附墜歎  
不可捨陳迹渺煙霧幽明理睽隔側愴永哀慕逝將假羽翼要

君向天路

雨中秋海棠

小字相同致不同一生從未識東風秋情兼得春情豔轉在鬢  
蒼淚眼中

嚴子陵

二十八星環紫宸一星影自落江濱掉頭不肯臣天子伸腳何  
妨犯故人翟服尙看終解綬羊裘祇合老垂綸雙棲恰有梅家  
女生就高風似子真

龐德公

漫勞車馬瀾林泉一笑鴻飛別有天麟閣風雲皆癡幻鹿門煙  
樹自神仙英雄事業空圖霸豚犬兒曹豈足傳何似山南芝艸  
熟全家飽啜枕霞眠

東方朔

天真閣集卷二十七

三

昂藏九尺立金門俸比侏儒亦主恩割肉無聊遺少婦借車有  
意濁公孫滑稽晏子通強諫詞賦相如動至尊四十萬言空飽  
讀朝朝執戟暗消魂

曹子建

西館幽居望紫宸上書垂涕勸親親雁飛忍絕同懷弟狼顧偏  
畱異相臣白馬臨歧悲逐客青蠅監國奈讒人微波願得君王  
盼小變離騷賦洛神

張靈像贊

虎阜花天酒飛雨中有狂生狂入古忽而吹簫忽胡舞目無一  
人豈獨賣來如電光去如霆蹟之不得世眼驚人含奇氣便仙  
骨豈必蝸蝠真成精蝦蟇不幸鄰尾族謝豹何羞蟄蟲伏曠然

蟬蛻還太清一樹寒松遯山麓

焚香曲

春風靜無聲博山火初炷重簾懸曲瓊斜易淡微駐脈脈觀游  
絲冥冥聽落絮默坐愜元賞忘言領深趣名理不待析輕塵忽  
飛去前谿定花開空外有香度

花朝再過棋花下

未開何不繞千巡待得開齊已墮茵猶幸重來餘半樹若爲看  
去尙初春緣還自誤非關分鳥亦無言豈獨人堅坐不知西日  
下苦將畱戀補因循

自題浴神硯

海上三神翠渺茫丹誠無路獻明璫感甄心事誰人識自啓秋  
窗寫幾行

天眞閣集卷二十七

三

井田硯銘

此心青先生之田情耕性耨大有年餘力猶開十丈之青蓮

朴硯銘

子之困也不如墨之運也子之鈍也不如筆之奮也及夫墨盡  
筆秃而之靜而鎮焉困无咎鈍則壽

棋花

棋花常似病宜瘦不宜肥靜領雪消意淡違春豔幾寢來和月  
古香遠入琴微時見白雲外冥冥孤雀飛

憶雀行

太倉南園古棋一株王文肅手植也余八九齡時居  
外家陸氏花時舅氏潤之先生攜過花下曰此所謂  
一隻瘦雀也事閱五十餘稔兒時所見都不記憶獨

瘦霍之狀軒軒心目前乃知 奇古異別於俗物之  
難記花木猶如此矣

樛花過眼萬萬枝惟有一樹長相思相思在何許乃在南國之  
南白雲圃云是調羹手自栽曾識曇易散花女當時平原莊萬  
木暗林塢癡肥臃腫皆雲煙一樹清臞獨千古孤根偃蹇皮半  
枯槎枒老幹花全無一枝別起勢飛動夭矯直欲離根株旁枝  
四起左右翼下覆錯落千明珠絕頂一枝忽返掉有若振翎凌  
天衢我時欲攀不得攀遙望縹渺如雲閒春風一吹儻飛去月  
明何日銜珠還五十五年如一雲昔日兒童今白髮先我看者  
已如化霍之丁公後我看者孰爲放霍之逋翁人來人往不可  
悉花落花開幹如鐵不知更壽幾千春校頭猶戴堯年雪

獨坐

天真閣集卷二十七

三

綠籜半解新煙欲流偶值微風與泉鳴秋靜得古異動隨天游  
如有詩思白雲九州

昭文 孫原湘 子瀟

闕逢涪灘

春陰曲

濃雲壓簷簷益低  
柳絲偏重紅闌西  
綠苔孤圓人蹟悄  
一鳩自背花閒啼  
杏花似與桃花語  
去年今日無乾土  
未等開齊落已多  
江南黯澹春無主  
一自春霖接夏霖  
高田盡沒低田沉  
奇荒百歲託未見  
哀鳴千里多遺音  
今年苦盼春光好  
二月百花開得早  
可奈東風作雨來  
依然落地紅嬌小  
花開不開何足嗟  
麥田已爛菜不花  
東南逃亡邨落散  
滿塍新水跳魚蝦  
老翁龍鍾病不起  
餓聽廉纖顏屋底  
是誰屐齒扣門來  
里長催徵隔年米  
錢七叔美作棋花卷見贈報之以詩

天真閣集卷二十八

古來畫梅只數手  
錢七胸中無不有  
畫成縱橫別有神  
卻無一筆偷古人人畫  
梅花得其意  
君畫叢叢有香氣  
人畫梅花得其骨  
君畫濛濛有煙月  
千枝萬幹一筆揮  
千變萬化一筆隨  
初看離披不似畫  
但覺元氣淋漓爲君畫  
山水稱第一  
不道梅花更奇絕  
道從悟後萬象通  
神妙不在形模中  
我亦平生頗耽此  
與君苦無一筆似  
我如水邊籬落枝  
君乃亂插繁花時  
兩家才力若相較  
杜陵壓倒林逋詩

蔣再山少尹成種菜圖

貳尹官閒不可耐  
不得種花且種菜  
閒門如水圍儲胥  
呼童手攜鴉觜鋤  
與其哦松作斯立  
何如學圃爲樊須  
軒名味菜味有餘  
金鑿玉膾珍不如肥  
根滿盤日齧卻  
百事不作去丞負  
余古來英雄能有幾  
長鑷長鑷聊復爾  
君今有官樂聖時  
月支俸廩

無憂饑李恂不納官廨蒜公儀自拔園中葵奈何日求隱居味  
庾郎清貧綠滿畦不見孔明令軍植蔓菁蜀中菜以諸葛名忠  
定課民植蘆菹張知縣菜傳楚俗物緣人重事卽傳重不以官  
惟以賢丞哉丞哉君勿嫌此職易守清而廉譬如菜甲飽風露  
嚴霜不打味不甜卽今哀鴻遍中澤掘盡見此人絕食願君擲  
卻種菜鋤救取萬民無此色

牡丹初開同諸子語雨

乍舒紅豔趁晴光又苦浮雲障夕陽猶喜春風恩未足漫期小  
雨厄無妨家貧花亦如人瘦歲歉詩難似酒狂天自言愁吾且  
醉一襟和淚受天香

蔣奇男招飲燕園牡丹花下卽事寄伯生

一塢彤雲擁萬枝滿園胡蝶盡催詩化工發洩才情大人世流

天真閣集卷二十六

二

連富貴遲長帶笑來看不厭得澆愁去醉何辭河陽仙令歸來  
否剪葉書成寄與知

嘉慶壬申之秋長女文筠誕女不育予慰之以詩曰明

年十月黃花發來看而翁喜抱孫屆期生子升基生

十二年而殤母哭之慟作詩以紓其悲

汝母未生男初索得一女墮地卽不育作詩語汝祖期以來歲  
秋定獲一雄舉屆期汝誕生詩讖共矜許湯餅開長筵黃花耀  
尊俎事未一紀周光景歷如觀汝今又夭折不及象勺舞譬若  
朝槿榮父萎已千古

前年汝叔天汝弟承其祧汝耶與汝母惟汝慰寂寥天又奪之  
去思子形神銷方長橫遭折生理回舊條不見羊叔子金環探  
非遙亦有顧非能夙生事昭昭願急投母懷毋昧前因招吾將

洗老眼重看衮師嬌

牡丹落矣旁發一藥後春而花倍極光豔重爲置酒召  
客寵之以詩

穠華委地散春痕一夜瓊芽怒發根遮道欲廻青帝駕陸樓重  
起綠珠冤緣經斷續逾堪喜氣有參差轉是恩恰似功成歸去  
日科名又得見兒孫

張鹿樵觀察 大鑄 屬題尊人侍御公丙舍圖

一角芙蓉翠維摩對面峯梨花寒食夜明月鬼仙蹤下有豸冠  
史藏茲馬鬣封時間天半雀來語墓門松

我有先人墓 先曾祖朝議公墓 在侍御墓之東 營茲北域東歲時陳麥飯涕泣

灑松風守喜鄰相望貧輸氣鬱葱兩家霜露感同在此圖中

春杪登大石山房和眉卿韻

天真閣集卷三十八

三

殘香世界綠成陰滿地閒愁一蛭尋春駐東風猶澹蕩人攀西  
日且登臨萬家塵寢無醒醉半晌清談又古今啼鳥自歌花自  
舞憑闌有客自傷心

磐石誰能紀歲華一壺深鎖絕露譁空靈天地新詩窟青綠湖  
山古畫家芳艸漫無愁界限楊花全是寢生涯置身若在繁華  
隊那見歸林點點鴉

牡丹重開山樵眉卿俱以詩紀瑞重有是作

百花開後開結束一春氣花盡花復生力且破春例綠天春已  
歸權敢拘青帝萬家絕點紅一藥奪天異索之四海寬眼下定  
無二問之千古人春後曾有未大塊文章雄篇終又篇繼未妨  
挺孤危孰與鬪妍麗羣芳乘化工發洩尠餘地獨能養有餘不  
測示生意惟先孕不繁後乃嗣罔替奇瑞母數呈元機慎不闕

蔣節母詩

節母盛氏汶上令蔣蓼庭之孀年二十五而寡生  
二子曰文以勞得疾天曰夫培幼殤節母上侍大婦  
金下撫孤孫成艱辛倍至及成官奉化丞迎養之署  
未幾歿守節三十八年成文之子來乞詩者也

殉節易守節難殉以一日守百年孤燈長夜何漫漫常節易苦  
節難上依大婦冰霜寒下舖二雛冰蘂餐毛羽未成慈力殫一  
殤一天摧心肝幸畱孫枝弱且單烏虜長夜何漫漫孫今之官  
母壽迨三十八年光一擲

贈姚子員參軍

神仙豈不樂於世竟何補聖賢恥獨善跳身入寰宇姚君側儻  
人方寸抱霖雨一官繫中州十年困羈旅但能濟蒼生何惜屈

天真閣集卷三十一

丞簿黃流怒龍魚赤脊鬪豺虎子真屢上書小試吾治譜奇謀  
不適用逸足恥駘伍浩然思故鄉敝屣脫簪組東西雙鏡湖采  
采足蘅杜書劍雖飄零豪情自古胸中有長劍一日幾回撫  
胸中有奇書萬言恣傾吐道德爲繡補仁義爲脰脯陋巷日閉  
門心肝比稷禹

時方大水後奇荒與君謀賑卹之事

周山樵玉笙怨一闋張鳳樓女史爲之補畫圖中一姝

捧笙凝竚若有所思殆楚宮碧城之亞輒題兩詩

瑠璃一片碧無情隔著人天譜玉笙夫婿恨非王子晉侍兒猜  
是董雙成秋河水煥思前度夜合花濃卜再生顧曲定知青眼  
在幾時偷下步虛聲

當年別寢記淹淹靜夜燒香齧鎖蟾事太參差如鳳管緣無障  
礙是蝦簾手提蓮瓣弓三寸親上菱花鏡一奩今日思量倍惆

張銀灣公案證華嚴

芙蓉莊看紅豆花詩

吾鄉芙蓉莊紅豆樹自順治辛丑花開後至今百六十又四年矣乾隆時樹已枯鄉人將伐爲薪發根而蛇見遂不敢伐閱數年復榮今又幢幢如蓋矣今年忽發花滿樹玉蕊檀心中挺一莖獨如丹砂莖之本轉綠卽豆莢也辛烈類丁香清露晨流香徹數里見日則合矣王生巨川邀余往觀爲乞一枝而歸葉亦可把玩瓏瓏不齊王生言至秋冬時丹黃如楓也道光四年五月記

詩仙當日隱雙臺綠樹晴搖白雪堆紅豆莊中人去久春風花又爲誰開

天真閣集卷二十八

五

我聞密室照花光相映瓊匳素面妝曾是美人親采擷雲香賸粉耐思量

百年彈指劫灰寒籬落金輪湧現難已較蟠桃花信近三千年可甘回看

休問花前白髮明平泉花木已榛荆世閒惟有情堅固枯盡根株又發生

澣卻紅妝蘊素芬花房羞避朝暉天生一種傾城色只似胎仙閣上雲

顏鬢絡索繫香纓傳粉塗黃總有情不是中心丹一點相思那許得收成

露浥辛香數里傳情根發越太纏綿天風吹過華鬢市諸佛蒲團盡破禪

無心玉蕊世應稀葉也多情翠不肥卻較花枝含豔色秋來解作絳雲飛

乞得春深玉一枝雙紅公案慰相思歸家兒女爭傳看勝比瓊林插帽時

檀板金尊迹已陳江南樂府又翻新風前柳眼分明甚省識看花大有人

紅豆花歌

前十章意有未盡申以此詩

世閒惟情死不滅情取久長不取密但看相思一樹花百六十年緣再結自從詩老騎星辰朝川花木皆飛塵蟲穿鳥剝一枯樹野人磨斧摧爲薪天公夜敕馬援神蟠踞靈穴周三輪冬心下蟄春氣應遁出劫火回輪囷樹不輕花情內斂情偶發舒花

天真閣集卷三十一

六

數點轉綠枯後鬱積深發露情機無所掩千枝萬枝玉雪堆十里五里香風回百歲老翁詫奇事誰見死樹能花開四方觀者絡繹來野田便是花瑤臺花前細說花氣數陣陣劫灰飛土樹胎仙名閣數枝纓絡垂主人方盛花何衰胎仙已頽樹易姓地運衰時花轉盛花衰花盛兩度春前人後人思各新花盛前人不如我花主我不如前人焉知娑婆花下客非卽前度看花身手采一枝笑不止平生眼福竟有此所惜此三回甲子多少傾城與名士蓄眼未覩相思花空抱相思浪生死

畫梅

畫梅休畫似開殘越要花多越耐看說與至情人領畧踈時客易密時難

一枝枯寂萬枝妍繁簡都嫌著意偏無意得來剛好處世閒何

事不天然

贈涇縣翟秀才湘

昔行桃花潭春水如桃花但覺東風好吹來片片霞詩情渺何  
許隔崦有人家欲就谿鷗問谿流不繫槎  
不見桃花久桃花疑卽君裏中詩一卷猶帶水西雲李白乘舟  
處吟聲不可聞惟應谿上月清影弄紛紛

胡安國

一卷春秋寓諷辭不容祭仲列同時挺然松柏隆冬秀祇惜攀  
援近檜枝

謝良佐曰胡康侯如大冬  
嚴雪而松柏挺然獨秀

王安石

神宗銳意詰戎兵環顧朝端盡老成方恨漢文疎賈傳遂憑周  
禮誤蒼生天懲司馬垂星變人詛宏羊爲雨烹但使青苗行一

縣甬江春水有賢聲

鎮王竑

鋤奸心蹟太分明反逼移星換日成妄擬霍光要太后敢爲國  
老立門生漁人傳檄如兒戲美女彈琴有殺聲一樣黃袍倉卒  
被陳橋當曰轉無名

鄭清之

惠日樓中定策時上天下地兩人知事成竟獲三台座語澗難  
逃九族夷金匱忍違昭憲命玉林應絕太宗支江山終屬燕王  
後天意癡兒食報遲

清涼居士

清涼居士本飛騰熱血懷中頓化冰已分兩宮沉絕域漫勞百  
戰助中興蛾眉作氣皆名將驢背閒身似野僧撥盡爐灰謀縛

虎九霄偏有脫鞴鷹

鐵纜橫江拽彩虹使船如馬建奇功天心不復中原土人力難呼大海風早禁書生為敵用豈容強虜鑿渠通岸兵未入軍先鼓明縱緋袍脫廟中

書王虎臣王天用

沙洋城中萬人泣趙將軍頭擲來溼招降使者語喋喋桓桓兩臣挺劍立焚其榜斬其使有謀出降例如此城存則存死則死文煥賊臣敢無恥嗚呼兩公之忠昭若電宋史中無姓名見其事乃見伯顏傳

書夏貴

宋准西制置使降元後授參知政事江淮行中書省左丞

夏相公頭白翁可憐血戰二十載勞績不見本史中虎嘯山憑

一礮攻元史張鹿門山當七日衝李庭十萬軍決正湯水塔出

天真閣集卷三

八

四十矢著文炳胸傳文炳武昌江中萬艨艟橫截伯顏不得東紀本

及伯顏傳支撐末造事非易所恨都督真凡庸側身南望勢感窮少

帝北去遮無從此時若果真英雄白頭捐軀勝令終獻城卻學

范文虎殉國有愧陳文龍宋史既嫌人不忠元史又苦人無功

兩朝總無位置處一身竟落青史空嗚呼夏相公八十壽何不

享年七十九

畫梅寄薛畫水司馬玉堂

冰雪巖坳老幹支天生倔彊性如斯豪端畧帶和柔意便是凡

桃豔李枝

臨池戲作

一紙書成費揣摩態嫌肥瘦勢偏頗莫將敗筆添脩飾脩好從

來壞更多

落筆縱橫以氣行短長肥瘠任人評不如意處休回顧一著遲  
疑窒礙生

信手揮毫不假思一逢愛好便矜持病根不在矜持處原在尋  
常率意時

### 海市歌

吾邑去海三十六里未見海市也甲申六月六日酉  
時於通江橋見之有城垣樓閣人物車馬有橋有船  
有浮圖有樹少選五色浮動萬怪惶惑紛紜往還莫  
可名狀蓋頻歲積潦陰凝之氣鬱而上浮卽云蛟蜃  
所爲彼亦有所召也詩不能盡其異但無不實耳  
非雲非煙是何氣非氛非祲是何異非鬼非人是何技非地非  
天是何繫突然城郭懸空際隱隱生人煙九衢人影瓏瓏

天真閣集卷三十八

九

穿樓臺無輪自轉旋金橋下合虹霓圓橋上走龍馬橋下龍負  
船海水忽立海藏開水犀雜沓馱寶來老龍化作碧眼賈血辨  
蚩尤淚盤古水妃含笑明月吐泉客撒珠如撒雨寶光射日日  
不行寶氣遍天天亦驚紅霞羞見珊瑚明市塵一色黃金成須  
臾浮動金世界中央浮圖獨不壞龍王低頭禮白豪龍女如花  
一圓鏡萬象都從鏡中映眞寶所聚寶必藏虛空無寶現寶  
光從來實境見了越越是幻形看越好去年大水今未乾陰氣  
下凝忽上蟠生靈漂沒幾百萬博此片刻眞奇觀長風一吹金  
碧消萬目矐矐通江橋

### 荷跋

子房一箸爲誰籌爲操無非爲國憂九錫遲加能已篡三城首

定實安劉祇求早早迎天子未許匆匆復冀州不是成仁拌一死曹家真箇有留侯

臧洪

羣雄逐鹿皆讐寇獨念君親奮此身晉鄙一軍誰救趙包胥七日枉號秦城空鼠肉難爲守室有蛾眉可飢人慷慨男兒同日死漢家先見有張巡

書三國志後

創將誦例誣青史自此人間直筆休一統但知尊魏晉三分何忍寇炎劉舞文盡滅發雉迹書法從開篡弒謀地下董狐應絕倒不諳時務是春秋

弑君滅后非常事故手無難一筆勾大意總爲司馬諱私心豈但臥龍雛誰能筆削翻陳案直是阿諛學譙去侯猶惜少收手

全真關集卷二十八

十

斛米一篇佳傳缺渠州

觀荷華滙

風遠識荷氣放船聊溯洞田鳴前夜雨邨繪隔年災數里渺瀟入一池零落開野人藜藿面爭訝看花來

出迎春門三里許曰湖涇橋過橋則東湖矣人家多種

荷花一望數里無際平生式齋邀余與諸子薄花而

飲香交遠近不風自涼丹霞綠雲參錯相閒中央白

鷗數點若浮若沒審之乃白蓮也循隄行數十武莫

窮究竟但見西南諸峯如近在花外耳爭就船脣拗

蓮莖作碧筍飲已復去其葉就壺中倒吸之無不盡

醉於是放乎中流湖中雲如海山縹緲引人仙去回

顧向所泊處非復人境矣

聞香不見花香在花深處尋香入花中香又離人去將船障斜  
日與花作愁雲將筵就花飲與花作嘉賓人顏醉如花花意不  
肯罷翠葉能勸人當杯一珠瀉花情載不得詩境空秋煙冷香  
十八里鷗與花同眠

離恨天歌

愁天一角萬古渾日月不到雲昏昏芙蓉城郭桃花邨往來怨  
鬼兼癡電啼紅慘綠無主悲氣爲風怨成雨媧皇百鍊陰陽  
鑪鑄錯情天不能補三隻既非駕與鴛兩星不若常參商奈何  
不親不疎但相見不離不合但相念不恩不讎但相怨不死不  
生但相戀天猶妬爾爾空空綠玉簫劈破參差圓冥冥飛去花中  
煙不爲樂鬼爲愁仙蓮花一壺仙一年天宮有界愁無邊淚珠  
灑作星滿天情波日滴銀河穿每說將愁天上寄天上埋愁更

天眞閣集卷二下

十一

無地秋煙不語暗相思裊徧長空不成字何不化爲雙彩虹橫  
斷日月天西東陰陽隔絕徑不通掃萬古癡情空徒抱冤禽  
泣眞宰手縮青電結不解烏得填完爾恨海我將揭去青瑠瓊  
力挽仙馭回靈旗西采僂曇花東采若木枝將枝作骨花作肌  
鑄爾不死金仙儀自笑癡狂癡不止爾卽重生我還死一生一  
死終不齊一悲一喜徒笑啼不知冥冥無知生亦不必生思  
亦不必思大家化作盤古以前混沌泥一氣和合無終期

悲知已七歌

猶可得者知音不可得者知心兩心各自懷深深如何曰西月  
東相照臨我心搖搖志不定得君一言堅我信君心慘慘懷殷  
憂得我一見釋愁洪爐鍊情情似鐵鐵猶可消情不滅一夜  
炎風吹作雪大華峯頭玉蓮折樂莫樂分得知已悲莫悲兮知

已死出門衰艸白茫茫地慘天愁自茲始

虛堂無聲蝙蝠舞夜降仙竈與人語燭花瘦作青燐光竟來靈  
風去靈雨女須耶定奴耶章丹陳珠耶紙灰飛旋鴛符靈談  
鬼嘯皆虛誣不如仰首觀太空仙靈或在虛無中仿側求索竟  
何用明月窺人入幽竈

秋花瑟瑟煙冥冥碧城十二香同聽手攀明月與君語青天笑  
倚瑤瓊屏君爲天星我爲石石躍寒空化星碧東海掀翻北斗  
斟傾情倒意無終極銀河潺潺水聲小靈虬咽珠珠不飽裏拂  
珊瑚天已曉烏得夜夜懷中來寢草

或言夸父之杖不能追日子鄧林何苦戚促悲西沉但須地湧  
生黃金可買天下人同心黃塵露露徒步踽踽道逢一人彊與  
之語百金買顏色千金買氣力萬金任買才與德惟有同心買

不得朝盟讎日夕背恩有淚還哭知己竟

天眞閣集卷二十八

七

或勸傾心結屠狗此中亦有非常叟一言得意杯酒閒熱血淋  
漓傾一斗與其結交公孫宏何如相識籍少公同心勿論貴與  
賤信陵朱亥成奇功古人已古今自今三絃不可復古音欲求  
古人金石心奈何世俗齷齪之中尋

逝將求仙東入海一採桃花竟千載海波如鏡紅雲開芙蓉五  
朵浮空來日月照耀金銀臺仙之人兮紛徘徊風裳水佩若相  
識虛無飄渺兮不可以竟卽聞龍悲吟烏衰號茫茫萬古空  
寒濤東海有時澗長夜何時春海中若有不死藥世上真有長  
生人

世無長生人同此百年短與君雖長別相見定不遠不求返生  
香不求來生緣但求身死死死生同一金石堅開君寄我

尺素練是君生時雙淚霑我今一讀一淚落譬若對語悲愁添  
緘君舊時書收我今日淚從此洗空情障累待取重泉相見時  
與君再賦同心詩

善哉行輓胡翁

胡翁九十面凍梨終朝爲善樂不疲手攜柳櫪繞城走羣兒力  
竭相迫隨杖頭藥囊阿堵物散與貧兒如葉脫歸家枯坐無一  
錢自汲香泉洗餅鉢

道旁乞兒泣不止城南善人昨朝死滿城豈乏豪富家叫破青  
天風過耳往時號哭翁門前飯我脫粟覆我甕如今凍餒無人  
應明日尋翁向九泉

翁之善行萬口賢翁之絕技千人傳每逢佳士一圖寫點睛欲  
活添豪妍技也通神有若此能令死者長不死翁今已死誰替

人我爲作詩當寫真

去真閣集卷三六

七

題顧文淵墨竹

款爲汪東山殿撰  
作故文章及之

協律參差十五竿清風紙上嘯檀欒料應海棠菴中月曾照瀟  
湘入寢寒

渭川千畝計蕭然佳句曾看馬上傳一葉秋帆高致在被風吹  
去落誰邊

東山先生秋帆圖禹之鼎作今不知落誰氏矣  
歸計未謀千畝竹先生臨唱口馬上所得句

閏七夕同內人

今年秋較往年長又借雙星勸一觴仙寢亦貪桐葉閨天衣應  
染桂枝香言誠有味重逾好詩到無心巧不妨六十五年三度  
遇白頭還自笑牛郎自乾隆丁亥兩午迄  
今三逢閏七月矣

題趙生吟香桐江諸詩

之子題詩處平生寢所經江沉一山黑泉落半天青笠影秋如

書漁謳古可聽何時鼓柁去我亦斗邊星

墨吳詩

墨工吳舜華以賣墨葬父養母沈歸愚尙書爲作吳孝子詩一時名宿題詠盈帙舜華孫杏舒來乞題

士無貴賤至行則稱墨吳之墨血淚所凝熏以王裒之柏搗以王祥之冰製成烏玉玦貯之黃金壺以贈泉魚以供顏烏而終不賣與鄭莊許止之徒太占粥粥杏舒怡怡子墨客卿是裘是箕吾不識孝子識孝子之嗣如識孝子題孝子册用孝子墨傳之千秋不磨滅匪詩之功墨之德

賞秋鐵佛寺示僧僧參

尋秋無遠近秋在澹蕩中山光弄晴翠一洗秋煙空招提隱深樹徑捷轉愈通時聞木樨香空際交天風一花不著眼機來應

天真閣集卷二八

西

無窮名理不待析勿取瑠璃籠

內子就醫吳門泊舟虎邱山塘得遊能起疾勝求醫七字屬爲足成之

清秋澹蕩與人期九里香中一櫂移眠亦對山如讀書遊能起疾勝求醫隨心得句平奇好沿路看花去住宜我自吹簫卿寫韻尋常家事道旁疑

遇仙操

龔倚汴人安節先生詡九世祖建炎初爲殿中侍御史劾黃潛善汪伯彥貶散騎郎扈蹕臨安復舊職又劾秦檜不可相者六三上不報遂退隱崑山志稱公遇異人授以靈艸一握行至真義邨見枯杏浮水植之復生因家焉以其艸療人輒活人稱遇仙翁仙耶

否耶抑有託而然耶裔孫宿亭得公遺像來乞詩

一馬渡江化作龍願為雲者紛相從黃汪弄陰翳白晝壓日更  
苦秦雲濃鱗觸邪豸冠怒兩狐一猴先後忤睡龍沉淵警不  
悟鴻飛冥冥掉頭去世間豈有真仙才枯株復榮靈艸栽  
嶽侯尚辟穀公亦知幾一梅福亦有種今艸有苗金川一慟山  
嶽搖燕子啄人恣羅織仙隱家風捉不得君不見楚國襄生不  
學仙七十九歲天天年

雨中看桂僧參禪房燒筍酌我

花開金粟雨聲偏笠屐還參玉版禪天下總無容易事人生都  
是自然緣酒消愁去心如佛詩入香來骨欲仙明日奇聞定傳  
徧一僧同醉白雲邊

燕園桂花盛開為園丁搖落售去主人惜之戲簡一首

天眞閣集卷三十六

吉

皎皎晴光控玉鉤花濃四照豔雙眸天浮香遠秋無界山送青  
來畫滿樓一夜忽空金粟藏幾枝應上玉人頭能教售去休憐  
惜風雨飄零我更愁

書陳小雲司馬晚香樓憶語傳其七

打槳迎來絕代妹六朝山色作眉圖暈珠未許論聲價只向郎

君索慧珠姬王姓

雙飛烏誰獨飛迥消息驚從白下來第一人間難得事若蘭親

哭趙易臺小雲配任夫

一死爭知絡秀賢情花淚葉滿湘煙朝雲嫁得才人婿誅筆何

會有老泉卷首有尊甫

閉卻瓊樓十二層影梅菴裏癡如冰黃玉絕調千秋兩一哭雙

成一子登

前集

借諸同人持盞燕園月下

解讀離騷致不同  
燒燈宴客漏三終  
人舍秋氣心多妙  
座有花香酒易空  
身世直拋雲以外  
性靈都寄月當中  
此時只想凌虛去  
一笛橫吹雀背風

偶閱張船山彭甘亭兩家集船山字字性靈而不耐顛

撲甘亭高華典寶而未脫斧鑿痕兩君皆予友也非

敢爲瑯琊之毀千秋公論固如斯爾

張侯俊逸脫絲鷹  
彭老蕭閒退院僧  
風月湖山同跌宕  
文章意氣各飛騰  
芙蓉出水清如許  
果實懸秋落未曾安  
得九原齊喚起  
一尊重翦陸祠燈

甫里先生祠船山寓居嘗借甘亭遊宴處

江節婦詩江生之母

江家寡婦茹藥茶二十有七喪厥夫有姑瘝癯危欲殂有兒癒

天眞閣集卷三十一

十六

瘵方待哺棄兒弗乳  
乳乃姑姑得人乳  
甘醪酬天彰孝德  
春回枯姑復馭  
還兒覃訂三十八年  
冰雪臞報以綽櫟  
天章敷

秋夜

萬象爲客乾坤一舟  
神與天契如風之遊  
碧雲旣淨華珠自流  
古深可飲生香在眸  
遠取卽是近不可求  
時有佳想如水忘秋

情塵

瑟瑟情塵若散沙  
無端種核又生芽  
人當臨去看都好  
事屬將來願總賒  
病久幾曾輕對月  
愁多早已怕看花  
天生一種閒惆悵  
悵纔欲刪除轉更加

九日鐵佛寺登高

一盤松磴一徘徊  
松嵐迎人度澗隈  
黃葉逗林秋欲去  
白雲藏寺客尋來  
頑身自喜如僧健  
笑口惟應對佛開  
努力漫誇登絕

頂最高峯更有樓臺

西莊禪院

四面空明奪輞川一莊水月足安禪  
渾身花雨如摩詰到眼雲山是巨然  
界斷俗塵青豆宇占來靈境白鷗天  
閉門不識秋聲鬧埽葉完時抱佛眠

立冬前一日餞秋燕園菊花下爲長夜之飲卽席和王

晴香秀才鼎

我輩清狂不羨仙酒飛明月月飛筵  
園如好畫頻須讀人惜殘秋未肯眠  
塵世看花皆短寤浮生與菊有深緣  
自憐不是歸來早辜負寒香又一年

飲張吟樵家菊花下同言叔雲明府張鹿樵觀察

位置秋光豔一叢兩三人影坐籬東  
辭官瀟灑皆陶令愛客流

天真閣集卷二十八

十七

連有孟公酒力能驅愁陣伏花香早洗俗情  
空人閒多少閑松菊不入春明曉燜中

訪吳玉松前輩雲不值獨行山塘戲作

乘輿而來興索然夕易勸客且流連  
寒鴉落葉西風裏一店花香一泊船

斟酌橋頭獨酌來綠波人影共徘徊  
白鷗似客無聊甚游近紅欄又折回

初冬日出北郭散步楓林閒十里五里丹黃如繡偶憩

結艸菴坐小閣則遠近紅樹皆在我目  
高下濃淡參錯如畫有似大癡者有似  
叔明者亦有孤瘦似雲林者洵秋林中  
一巨觀矣蓋束散於聚又隱其所不美  
而盡收其美故景特奇以無心得之又  
特奇也作歌

以紀之

霜搖不落十月之桃花風吹不散十里之明霞收羅衆妙作一束此間縱目無攔遮青女弄秋秋更華元冥借春春可賒青山窈窕翻在隱約際但見琳宮絳闕仙人家豈無松柏挺蒼翠如葉輔花花益媚地湧珊瑚百丈高撐著青天天破碎乾坤至此將閉藏盡力發洩餘光昌盪之以晴煙渲之以夕陽空中濡染五色筆絢爛全從冷中出此時不飲天笑人孤負造物顛倒春我壺未傾秋已醉樹樹盡沃醪醇醇人生百年似朝莫氣吐虹霓條霜露千年老樹鐵石根多少公卿埋骨處君爲我舞我爲君歌紅顏滿前爲歡幾何不如且酌尊中酒莫待紅顏成白首尊中酒盡且復沽何必頭上紅珊瑚

再過楓林較前益穠麗而先紅者微脫矣弔之以酒醉

天眞閣集卷五

六

復作歌

春花雖紅紅不變非花學花奪春豔由紅漸紫紫復深妝盡春風阿嬌面一樹旣分深淺紅萬樹萬態各不同白雲掩映丹霞烘嬌者愈媚濃益濃一幅畫圖一幅異一番詩情一番麗若教紅過二月天萬紫千紅盡迴避吾嘗得酒興倍豪徑思攀陟如猿猿珊瑚樹頂結作巢赤日可當玻璃敲如此珊瑚若可採驚倒石崇與王愷龍王龍宮無此樹富媪由來富於海陸渾山火燒晴空光爛直逼牛斗宮天公亦疑太光怪吹下少女襦裊風瀟瀟一墮臙脂雨萬蝴蝶向千山舞學春太短春可憐何似青青自今古葉自落人自歌葡萄酒金頗羅酒人一日不死顏一日醜葉兮葉兮奈我何

宣城姜貞毅墓

繫臣遺冢鬱松楸想見批鱗勁節留廿四氣終無定讞九重恩  
竟許長流朝衣幸免趨東市旅骨難期正首邱未是山河殘破  
日老兵已分老宣州

著了麻衣著鐵衣荷戈慘慘出京畿蓼莪廢後空春艸禾黍吟  
成又夕暉家國一身真兩負江山半壁竟安歸惟餘幾點孤臣  
淚暗向龍髯墮處揮

轉眼滄桑盡淚痕吹簫聊復隱吳門雞竿未奉先皇赦馬角空  
承末造恩僧臘已非前日月衲衣何補此乾坤敬亭山色依然  
在不成生人戍鬼覓

蔣奇男將由楚入燕作長歌告別歌以答之

園花落盡園艸枯故鄉鷓如客暫居故人提壺走相送有淚且  
灑東西湖問君南行意何如北風怒號雪片麤逝將采蘭涉湘

天真閣集卷二

九

浦卽復走馬登天衢君才翩翩若鸞鳳得意花看上林種故園  
紅紫縱芳菲不入春明貴人癡願雪更猛風更顛長河凍合玻  
璃天折君艣兮膠君船且復爛醉過殘年殘年殘短影短杯深  
深歌緩緩酒斟不竭帆不開開帆且待梅花來明知留君君亦  
去猶得同君三月住不見東湖楊柳如腰彎西湖楊柳爭手攀  
年年送客柳條綠多少折腰人不還

精忠柏

浙江按察司獄卽南宋理刑廨有古柏相傳岳武穆  
被陷此樹同白枯死越今七百餘載植立不仆長二

丈餘圍四尺有奇護以鐵錫闌以石版版刻乾隆丁

丑歲司李楚江周士錡詩嘉慶己卯吳人范正庸權

司獄繪圖鐫石搨以示世爲之作歌

萬木畏枯枯則薪一株獨以枯見珍神斤鬼斧不敢近忠義之  
氣纏其身蛟虬翠鬱風波亭一夜號泣枯精英奸邪氣橫正氣  
絕感憤物理同人情不見百口保飛宗正卿竄身南海以死爭  
上書訟寃劉允升橫尸棘寺鳴不平區區小校猶忠誠竟欲斬  
艾邪蒿萌柏雖艸木氣至清肯與賊檜同時生死八百年挺不  
屈蛻盡龍皮騰龍骨中有丹心不肯枯只是春風吹不泯天欲  
吹泯柏固辭偷生半壁匪我思除非痛飲黃龍時枯枝一一回  
青枝天亦不能彊泯之任其一木乾坤表忠但勅風雷司霹  
靂老檜分其尸吁嗟南渡朝廷小泥首北風如偃艸只賞西湖  
花柳妍渾忘朔漠樗櫟老構兮構兮木不良大厦以檜為棟梁  
長城如檀欒見戕不如此柏有本性直與精忠同正命但看枝  
枝北向枯木理猶知朝二聖從來死貴得其死不見死而不死  
樹如此

笑真閣集卷三

三

徐穀翁秀才 祿昌 省其舅氏蔣伯生大令塞垣作出關

圖屬題卽寄伯生

一騎嚴關曉日開馬頭青擁萬山來稟繻恰有終童志堅壁誰  
爲李牧才紅艸地深尋虎瓜白沙天遠認龍堆豹奴酷似丹陽  
舅只當防秋拔里臺  
一帳酸風酒數巡相看珠玉煥如春何劉風誼人閒少蘇李詩  
情塞外新奇氣文章邊地發少年心膽醉時真虞翻莫恨無知  
已珍重刀鏤寢髮牙

佛雲石歌

乾隆戊申秋先太守訥夫府君從征廓爾喀獲此石  
於丹達山之南明年奉祖妣邵太恭人諱哀勞得疾

歿於帕朗古軍營臨終語從者勿棄我石畱以示我  
子孫故歸骨二萬里一棺外惟此石僅存高一尺六  
寸寬處九寸有奇中宏旁小穴三日佛雲者取形似  
識所從得也

先公從征廓爾喀手採片雲丹達山大星騎箕久天上雲飛不  
去雷塵寰班禪昔困波旬劫大兵往勦震百蠻雪城陰凝太古  
雪一白不見青嶺岷玻瓈海中透孤碧如雲一葉風吹殘西天  
老佛補天處失手墜下青琅玕是雲非雲石非石萬古拋擲荒  
崖間勞臣一見開心顏碧雲在天手自攀生原石骨并石性與  
石訂交盟歲寒韉中插刀汝作礪馬上艸檄汝作端矛炊劍浙  
汝同苦功成汝作燕然刊陣雲壓碣正深入卒奉母諱摧心肝  
鬪體滿地不可語惟此石友情相關軍中枕石當枕白血淚紅  
沁苔斑斑自憐忠孝兩不遂裏尸馬革無生還三軍羅拜盡雨  
泣公之石亦球琳看捆以櫜槍包以盾鼻歸一石與一棺蠻煙  
瘴雨二萬里忠魂石氣相盤桓忠魂不磨石不泐石竅內蘊丹  
心丹幸無伏波惹苒謗迴勝陸績清風完客來盡具袍笏拜壁  
立永礪兒孫頌大西天上採歸石壓倒支機片石取自銀河灣

錢柳東山唱和圖

故人寢逐曉雲空回首簪裾唱惱公賸有幅巾風度在比肩雙  
照鏡湖中

墨雨詩雲弄曉寒靈心玉映照欄杆美人肌雪才人鬢都作南  
朝賸扮看

我聞秘室當詩龕視匣晨開筆戰酣比得鷗波雙影否一般春  
恨滿江南

楞嚴注罷出簾遲花雨聲中殺蕩絲畢竟懺除情未了一枝紅  
豆又催詩

大好湖山入醉哦樂天高唱柿枝歌關心只有松圓老隔着芙  
蓉竊聽多

擊鉢飛牋事事清絕勝絲竹惱春情只除一事輸安石少卻花  
前折屐聲

玉樹歌殘泣故宮自妍殘墨賦春風西山薇蕨東山柿總在滄  
桑淚眼中

錢園柿墓久榛蕪輞水猶傳唱和圖當取謝家山一角黛痕青  
似六朝無

天下大師墓

一龍青天升一龍滄海去何年龍潛歸瘞骨不封樹金川門既

天真閣集卷三人

三

開大內宍一炬孺子自無知姬公乃踐昨煌煌正史書彰彰實  
錄具豈知實錄文第一不足據闔宮果自焚將屍竟安厝如云  
備禮葬應有置陵處鍾山渺無蹤太廟終未耐死生兩傳疑朝  
野屢錯互當時百官迎幸逢九江監分雖代邸尊人盡太甲慕  
不稱德昭亡必須薊贖拒比之鹿臺燔以絕殷頑附其實晉懷  
心日切亡人懼胡浚邀訪鄭和西洋赴惟恐日馭逃徧作風  
影捕大索不可得既喜亦復怒翫炷命燈追論藥師詛魚服  
出鬼門窮詰雍師度未卽溥洽誅猶爲道衍故白髮數寸長黑  
獄十年鋼文貞與文襄銘記各昭著溥洽事見揚土奇塔銘周忱鳳嶺講寺記以此  
證遜荒夜遁迹顯露奈何曝書亭論若高叟固悉掃葉清曉鄭  
書俗語丹青誤盡削程濟史彬名黎邱子虛數抹殺忠義臣并  
不讓皇顧指爲元僧塔一意長陵護是直無人心奚啻篡逆助

春秋重表微非敢正史忤瞻望西山隅又一秦伯墓

三高祠

鴟夷子皮

一笑辭烏喙飄然竟五湖秋風高鳥盡春水白鷗呼絕色能傾國齊心爲沼吳功成身並退回寢入菰蘆

江東步兵

詎爲秋風起歸心始欲東幾先避贈繳道不受樊籠笑擲名千古愁空酒一中鱸香亭下望相識有冥鴻

甫里先生

花落不春寢江湖縱所如水浮高士宅天與散人居已分漁竿隱何勞雀簡除如求茂陵稿笠澤有叢書

詩史閣歌

張月霄明經

金吾

哀集金文最一百二十卷又從郡

城黃氏得至大刊本中州集十卷爲毛氏重刊時所未見建詩史閣度之屬爲作歌

高閣靈瓏羣玉府萬軸芸香萬古虹  
夜燭觀史天玉版文傳按出虎都勃極烈開國來掩遼軼元多雅才左司一手爲甄錄以詩寓史真鴻裁江湖後集遜精審東澗小傳堪追陪流傳  
韎鞞世罕覩藝林偶獲珍瓊瑰唐宋元文若鼎立獨有金原未蒐輯眼前卻逢張萬戶金石藏開念拾瑤籤分排百二十不脛而走海內出縹囊巖裏英華集如翼飛來篋中入大金黑水鍾英靈羣才三品貢闕廷得君鏤鑄一鑪內寶氣騰躍精鏐精藏書務博不務精往往闕畧史與經卮言小說雜充棟黃金砂礫同滿籬君家精收八萬卷此閣上應奎躔星毛家古錢家述

豈足道直接丹山野史亭

余舊題吟紅閣詩稿有不知柳絮因風起飛向誰家玉

鏡臺之句爲周山樵女敬貞作也今敬貞歸予孫傳

恨矣謝庭柳絮爲吾家所得喜疊前韵

當日題詩弄玉臺那知語讖卽詩神仙眷屬情天合文字因緣宿世來翠裏苦無文竹倚雕匳喜見筆花開他年祖硯誰堪付轉望春風詠絮才

除文

索逋人去閉門遲已覺寒衾未睡時尚有最關心一事雨聲偏灑玉梅枝

